

拾

雅

拾雅卷第十八

高郵夏味堂述

拾遺釋八

釋器下

艾句子戟也或謂之雞鳴或謂之擁頸銳底曰鐔寢戈  
親近兵杖也

周禮考工記冶氏戈廣二寸禮記曲禮篇進戈者前其鋒左傳襄廿八年使執寢戈而先後之

惠三隅矛也亦謂之公長鉞長矛也鉞鐵矜小矛也銳  
矛屬重喬累荷也矛矜近上及室題所以縣毛羽也

書顧命篇二人雀弁執惠詩小戎篇公矛鏐鉞呂氏春秋簡選篇可以勝人之長鉞利兵漢書揚雄傳究

銀鏃者金鏃注夷者書顧命篇一人冕執銳詩清人篇二矛重喬

句戟也莫邪大戟也幾瞿皆戟屬槩有衣戟也亦謂之

稽

呂氏春秋知分篇句兵鉤頸史記屈原賈生傳莫邪為頓書顧命篇一人冕執殳一人冕執瞿後漢書竇武傳擁衛左右取槩信國語吳語擁鐸拱稽

矛戟矜秘曰廬平底曰鏃亦曰晉

考工記總目輪與弓廬匠車梓秦無廬廬與廬同國語周語侏儒扶廬禮記曲禮篇進矛戟者前其鏃鏃鏃並與鏃同淮南說林訓鏃之與刃高誘注鏃矜下銅鏃也考工記廬人去一以為晉圍

隋蓋曰斧方蓋斧曰斨大斧曰鉞黃鉞斧曰齊斧亦曰

天鉞

詩破斧篇既破我斧七月篇取彼斧斯書顧命篇一人冕執鉞易旅得其齊斧書牧誓篇王左杖黃鉞

### 揚鉞鉞也劉鉞屬

詩公劉篇干戈戚揚列子說符篇人有以鉞者書顧命篇一人冕執劉

楯謂之戢伐中干也干櫓小楯大楯也犀渠楯也瓦盾脊也繫楯之紛綬曰芮

史記蘇秦傳當敵則斬堅甲鐵幕革挾吹芮索隱吹與戢同詩小戎篇蒙伐有苑禮記儒行篇禮義以爲干櫓文選左思吳都賦戶有犀渠左傳昭廿六年射之中盾瓦

戢長槍也設父也闕鋌也錡鉞鑿屬旂爲發石一曰飛石雷礪也

說文戈部春秋傳有禘戢詩候人篇何戈與設文選張衡東京賦闕戟輶輶詩破斧篇又缺我錡又缺我

錄左傳桓五年肅勤而鼓襄十年親受矢石孔  
疏引周禮職金鄭注用金石者作槍雷之屬

屬鏤蔥闕錄習長鉞劍也劍謂之鉞鉞謂之鍛兩刃鉞  
謂之鉞犀劍飾也木標首之劍曰櫛具劍拊謂之觚把  
劍物謂之緌劍鼻謂之璚七首短劍也

左傳哀十一年王聞之使賜之屬鏤以死荀子性惡  
篇桓公之蔥大公之闕文王之錄莊公之習楚辭九  
章涉江篇帶長鉞之陸離左傳昭廿七年夾之以鉞  
漢書陳勝項籍傳贊不敵於鉤戟長鍛也管子問篇  
衣夾鉞法言孝至篇帶我金犀漢書雋不疑傳帶櫛  
具劍淮南主術訓操其觚招其末史記孟嘗君傳偁  
有一劍耳又耐緌漢書王莽傳欲獻其球耳師古注  
球本作璚漢書鄒陽傳以信荆軻而七首竊發

歐刀刑人之刀也佩刀靶韋曰獲鑲曰穎刀劍室曰削  
後漢書虞詡傳寧伏歐刀以示遠近莊子庚桑楚篇  
外獲者內獲者禮記少儀篇刀卻刃授穎漢書貨殖

傳質氏以瀝  
削而鼎食

鍔刃也直刃曰援兩刃曰臘楚人謂刃頓曰銖銀廉鍔也

後漢書竇憲傳血尸逐以染鍔周禮考工記冶氏援  
四之桃氏爲劍臘廣二寸有半寸淮南齊俗訓其兵  
皆銖而無刃大戴禮衛  
將軍文子篇銀手如斷

鞬鞞兜鍪也介甲也亦謂之革所以盛甲曰纍受他兵  
曰蘭受弩曰錡

漢書韓延壽傳被甲鞬鞞居馬上詩清人篇駟介旁  
旁瞻叩篇舍爾介狄臣工篇嗟嗟保介禮記曲禮篇  
介冑月令篇措之於參保介之御間介蠱敗穀其蠱  
介左傳成二年不介馬而馳之昭廿五年季氏介其  
雞公羊宣六年傳吾君孰爲介國策秦策兵革大彊  
國語齊語諸侯甲不解纍文選張衡西京賦設存蘭

錡

圭瑞玉也。璫圭也。半環曰玦。守邑符信曰珪。金章銅印也。

論語執圭左傳昭十七年若我用璫玉璽玉璣後漢書馮魴傳賜駸犀具劔佩刀紫艾綬玉玦各一左傳哀十四年司馬牛致其邑與珪焉文選孔稚圭北山移文至其紐金章綰墨綬

版笏也。笏所以書思對命者。

後漢書范滂傳投版棄官而去儀禮士喪禮竹笏

染練布帛曰采。采五色也。亦謂之夏采。色一成曰就。雜采曰纁。華黃色也。皙皜斯駢鵠的沃練茶素白也。

染練見論衡量知篇禮記月令篇令婦官染采周禮染人秋染夏周禮典絲凡祭祀共黼畫組就之物儀

禮聘禮記纁三采六等朱白蒼禮記玉藻篇大夫元  
華詩君子偕老篇揚且之皙也周禮大司徒其民皙  
而瘠左傳襄十七年澤門之皙定九年皙纁而衣裡  
製孟子皜皜乎不可尚已詩瓠葉篇有兔斯首儀禮  
士喪禮毼豆兩爾雅釋器象謂之鵠釋畜駟顙白顙  
陸德明釋文標字作的淮南墜形訓西方曰沃野說  
林訓墨子見練絲而泣之太元守上九與茶有守周  
禮考工記凡畫繪之事後素功爾雅釋天篇素錦綢  
紅

閒色有五紺紅縹紫流黃也綦青黑色也賁黃白色也  
絞蒼黃色也纁赤黃色也黼綠也

文選江淹別賦晦高臺之流黃書顧命篇四人綦弁  
詩白駒篇賁然來思禮記玉藻篇絞衣以裼之雜記  
篇絞屬于池下詩候人篇三百赤芾毛傳  
一命纁芾漢書百官公卿表金璽黼綬

刺者爲繡彩色爲畫



書益稷篇稱緒  
顧命篇書純

圍曰規方曰矩八稜有隅者曰觚治玉石曰追治刀劍  
曰洒治削曰洒削治金器曰冶壘金曰辟治土器曰陶  
治木器曰梓槩棗曰軟以漆漆物曰槩皖漆也漆飾沂  
鄂曰幾以金銀緣器曰釳

史記禮書規矩誠錯史記酷吏列傳破觚而爲圓周  
禮天官序官追師詩棫樸篇追琢其章史記貨殖傳  
洒削薄技也漢書貨殖傳質氏以洒削而鼎食書梓  
材篇若作梓材馬注梓古作杼字治木器曰梓治土  
器曰陶冶金器曰冶張協七命乃鍊乃鑠萬辟千灌  
周禮巾車駢車舊蔽然襍槩飾鄭注故書槩爲軟槩  
與槩同史記貨殖傳木器槩者千枚禮記檀弓篇華  
而皖郊特牲篇丹漆雕幾之美後漢書和熹鄧皇后  
紀其蜀漢釳器九  
帶佩刀並不復調

刻穿之曰疏所以穿曰鑽設版築曰栽以水擊絮曰漂  
緝續其麻曰辟

禮記明堂位篇殷以疏勺馬融長笛賦刻鏤鑽竿左  
傳定元年庚寅栽哀元年里而栽禮記中庸篇故栽  
者培之漢書韓信傳有一  
漂母哀之孟子妻辟纒

秒禾芒表也忽一釐口出絲也十毫爲髮十髮爲釐十  
釐爲分十分爲寸十寸爲尺十尺爲丈十丈爲引

史記太史公自敘問不容翫忽正義翫當作杪案杪  
當作禾旁少漢書敘傳造計秒忽毫釐見賈子六術  
篇分寸尺丈引  
見漢書律麻志

以黍生之爲一分按指爲寸鋪四指爲膚長不出膚爲  
握四寸也八寸爲咫六尺爲步半步爲武七尺曰尋八

尺曰仞施長七尺鈞長七尺

黍生見說苑辨物篇公羊傳卅一年傳膚寸而合扶與膚同禮記投壺篇室中五扶堂上七扶庭中九扶禮記王制篇宗廟之牛角握穀梁昭八年傳流旁握左傳僖九年天威不遠顔咫尺國語魯語其長尺有咫周禮小司徒九夫爲井鄭注引司馬法六尺爲步左傳襄廿五年井衍沃杜注同國語周語不過步武尺寸之間史記張儀傳蹠聞三尋書旅焚篇爲山九仞孟子堂高數仞又云掘井九仞與仞同案傳注並以八尺爲仞而儀禮鄉射禮記杠長三仞禮記祭義篇仞有三尺論語夫子之牆數仞鄭注苞注則並以七尺爲仞又詩閟宮篇是尋是尺周禮考工記及長尋有四尺儀禮鄉射禮記以鴻脰韜上二尋禮記雜記篇兩五尋左傳成十二年爭尋常以盡其民傳注並以八尺爲尋而史記正義及書傳孟子注則以七尺爲尋蓋師說不同耳管子地員篇夫管仲之匡天下也其施七尺國語周語律所以寸鈞出度也

徑尺爲圍

莊子人問世篇絮之百圍其高臨山此篇又云三圍四圍求高名之麗者斬之陸德明釋文引崔注環八尺爲一圍案如崔說則三圍環二丈四尺四圍環三丈二尺卽高明之麗安得其大如許況下文更以七圍八圍當擇倚之用尤非理矣彼注八尺字當有誤

幣二丈爲一端二端爲一兩合之四十尺謂之匹

左傳昭廿六年以幣錦二兩禮記雜記篇納幣一束束五兩兩五尋

版牆版也修一丈廣二尺曰版方丈曰堵三堵曰雉雉長三丈高一丈

史記黥布傳身負版築詩鴻鴈篇百堵皆作毛傳一丈爲板國策秦策不沒者三板左傳隱元年都城過百雉周禮考工記匠人王宮門阿之制五雉案傳注皆以一丈爲版唯韓詩及公羊何休注八尺爲版亦師說不同也

度丈尺也。釁度法也。純度名也。從上曰深度。深曰仞。一縱一橫曰午。

周禮內宰出其度量淳制司市掌市之治教政刑量度禁令大行人同度量禮記月令篇同王制篇用器不中度度量數制大傳篇立權度量孟子度然後知長短淮南汜論訓以矩釁之所周釁與釁通後漢書崔駰傳協準釁之貞度今李賢注釁尺也淮南墜形訓純丈五尺純方千里高誘注純量名蓋度量義得相通矣儀禮聘禮釋幣制元纁束鄭注引朝貢禮云純四只孔疏純謂幅之廣狹又引鄭答趙商問四當爲三三咫則二尺四寸是純爲度名矣儀禮覲禮深四尺左傳昭卅二年仞溝洫儀禮大射儀度尺而午夏十寸爲尺殷九寸爲尺周八寸爲尺

見蔡邕獨斷

千二百黍爲龠十龠爲合十合爲升十升爲斗十斗爲

斛亦謂之石亦謂之甬

龠合升斗斛見漢書律歷志國語周語關石和鈞禮記月令篇角斗甬

六十四黍爲圭四圭爲撮一升二十四分升之一曰溢  
五升器曰半受斗二升曰穀受六斗四升曰釜受六斛

四斗曰餗

圭撮見漢書律歷志儀禮喪服傳朝一溢米夕一溢米既夕記禮記喪大記竝同史記項羽本紀士卒食芋菽徐廣注芋當作半案此文王劭注則云容半升漢書項籍傳卒食半菽孟康注則云半五斗器名雖大小不同然大抵以什得其五爲半矣周禮考工記陶人鬲實五穀鄭司農注穀受三斗與後鄭異左傳昭三年豆區釜鍾論語與之釜黼與釜同周禮廩人入四鬴考工記槩氏量之以爲鬴陶人爲甗實二鬴莊子田子方篇餗斛不敢入於四竟

量豆區斗斛之屬角量也平斗斛者曰概

書舜典篇同律度量衡周禮內宰出其度量淳制司市掌市之治教政刑量度禁令禮記王制篇度量數制仲尼燕居篇量鼎同其象角量見管子七法篇禮記月令篇正權概

十黍爲綮十綮爲銖侖容千二百黍重十二銖二十四銖爲兩十六兩爲斤三十斤爲鈞四鈞爲石四石爲鼓或曰十二石爲鼓

案銖兩斤鈞石見漢書律歷志家語正論篇趙簡子賦晉國一鼓鐵禮記曲禮篇操量鼓

江淮人謂一石爲一擔河東北界人呼小石罌受二石所曰服匿

後漢書宣秉傳自無擔石之儲漢書蘇武傳王病賜武馬畜服匿穹廬

六銖曰錙八銖曰銍太半兩爲鈞十鈞爲鎰鎰重六兩  
太半兩一曰銍鎰也其重十一銖二十五分銖之十三  
二十兩爲鎰或曰二十四兩爲鎰二十兩爲一金或曰  
金重一斤或曰古者一鎰爲一金

淮南說山訓而無錙錙之鎰諸書呂刑篇其罰百鎰  
其罰六百鎰其罰千鎰周禮考工記冶氏重三銖弓  
人膠三銖後鄭治氏注引說文銍鎰也又云十鈞爲  
環環重六兩太半兩鎰銍似同矣陸德明釋文鎰戶  
關反與說文同是環與鎰通矣鄭司農治氏注銍讀  
爲刷鎰與銍爲一物故鎰亦作率史記周本紀黥辟  
疑赦其罰百率徐廣注率卽鎰也音刷索隱又云舊  
本率亦作選案漢書蕭望之傳甫刑之罰小過赦薄  
罪贖有金選之名應劭注選音刷是率選皆銍之異  
文矣孟子雖萬鎰國語晉語黃金四十鎰國策齊策  
乃使人操十金公羊隱五年傳百金之魚公張之孟  
子王餽兼金百鎰而不受溢與鎰通國策秦策黃金



益萬

稱斤兩也稱上曰衡關衡也坑量名

管子版法篇一稱數禮記月令篇鈞衡石經解篇猶衡之於輕重也國語周語關石和鈞周禮考工記治氏鋌十之重三坑鄭注坑量名蓋衡量義亦相通矣

百錢曰伯千錢曰仟十千曰萬十萬曰億十億曰兆萬萬曰姦數億至億曰秭

漢書食貨志有仟伯之得書洛誥篇公其以予萬億年敬天之休泰誓篇紂有臣億萬詩伐檀篇胡取禾三百億兮楚茨篇我庾維億假樂篇子孫千億禮記王制篇爲田九十億畝書五子之歌篇子臨兆民周官篇綏厥兆民孝經兆民賴之國語鄭語計億事材兆物行姦極詩豐年篇萬億及秭

大萬億也選萬也萬萬曰億萬億曰兆

漢書楚元王傳功費大萬山海經海外東經五億十  
選詩伐檀篇胡取禾三百億兮楚茨篇我庾維億豐  
年篇萬億及秬國語楚語官有十醜爲億醜高誘注  
十萬曰億古數也今人乃以萬萬爲億左傳成二年  
太誓所謂商兆民離昭廿年豈能勝億  
兆人之詛禮記內則篇降德於衆兆民

蕤五倍也防三分之一也二隻曰雙兩尊曰朋雙貝曰  
朋或曰五貝爲朋組十首爲一緄緄錢一算百二十也  
鬱十葉爲貫百二十貫爲築

孟子或相倍蕤周禮考工記輪人以其圍之防稍其  
數禮記少儀篇加於一雙詩七月篇朋酒斯饗易損  
或益之十朋之龜詩菁菁者莪篇錫我百朋國策宋  
策東組三百緄後漢書烏桓鮮卑傳設告緄重稅之  
令李賢注率緄錢二千而算一一算百二十也周  
禮鬱人和鬱鬯以賓葬而陳之貫築見鄭司農注

龜曰卜亦曰兆著曰筮亦曰卦墨兆廣也坼兆璽也契

楚焯也內卦曰貞外卦曰悔卦兆占辭曰繇結草折竹  
以下曰簞八段竹曰筵

書洪範篇擇建立卜筮人詩氓篇爾卜爾筮禮記月  
令篇命大史燬龜坼占兆冠義篇筮日筮賓左傳莊  
廿年陳侯使筮之漢書文帝紀兆得大橫周禮占人  
史占墨卜人占坼禮記玉藻篇史定墨周禮筮氏掌  
其燠契書洪範篇曰貞曰悔坼與梅同說文卜部引  
商書曰貞曰坼左傳閔二年成風聞成季之繇僖四  
年且其繇曰楚辭離騷索薺茅以  
筵簞兮後漢書方術傳作挺專

在地鋪陳曰筵在上藉之曰席蓐席也衽臥席也豐席  
刮凍竹席也越席翦蒲席也縑席蒲翦五采席也次席  
桃枝席或曰虎皮席也桃枝簞亦謂之桃筮髹髹毛席  
也苦編藁也穎警枕也

周禮春官序官司几筵後漢書段熲傳在邊十餘年未嘗一日蓐寢儀禮士昏禮御衽于奧既夕記衽下莞上簟禮記曲禮篇請衽何趾內則篇將衽書顧命篇敷重豐席禮記禮運篇與其越席周禮司几筵加纁席畫純加次席黼純文選左思吳都賦桃笙象簟後漢書西域傳又有細布好毬毼儀禮既夕記寢苦禮記少儀篇枕几穎杖

薄簾也幌以帛明窻也

禮記曲禮篇帷薄之外不趨文選謝惠連雪賦月承幌而通暉

葦荻之薄曰簣籬籬也桼特也

史記范雎蔡澤傳卽卷以簣方言簣其麤者謂之籬籬呂氏春秋季春紀具桼曲籬筐

笠竹篋蓋也茅蒲簦笠也笠有柄者謂之簦

儀禮既夕記燕器杖笠嬰國語齊語首戴茅蒲史記虞卿傳躡屣擔簦

比櫛也靡者爲比麤者爲梳比余辨髮之飾也所以理髮謂之刷

禮記內則篇節緹笄總史記匈奴傳比余一漢書作比疎同文選嵇康養生論勁刷理鬢

所以卷髮曰笄今日簪幘道曰簪筐小簪也

周禮追師爲副編次追衡笄禮記喪服小記篇齊衰帶惡笄以終喪文選謝靈運擣衣詩簪玉出北房沈約應詔樂遊園餞呂僧珍詩待此未抽簪淮南齊俗訓筐不可以持屋

浴器謂之杆亦謂之濫沃盥器謂之匱盥水器曰枓棄水器曰洗貯水器曰擢對

禮記玉藻篇出杆莊子則陽篇同濫而浴左傳傳廿三年奉匱沃盥儀禮少牢饋食禮司宮設盥水于洗東有枓士冠禮設洗士昏禮同淮南說林訓澤則具擢對

蜀祠器也校几足也畢所以助載者奠浙箕也棧棧提也箸筯也葉栢大端也茜榼上塞也

官子形勢篇抱蜀不言而廟堂既修儀禮士昏禮土人拂几授校禮記雜記篇畢用桑史記司馬相如傳聞烽舉燧燧注引漢書音義烽如覆米奠縣著桔槔頭禮記曲禮篇羹之有菜者用枲史記十二諸侯年表紂爲象箸而箕子啼儀禮士冠禮面葉說文酉部引春秋傳曰王祭不供無以茜酒

所以載鼎實曰七黍稷謂之七長枋七謂之桃桃謂之畎短枋謂之疏畱犁飯七也

易震不喪七豳詩大東篇有捄棘七儀禮少牢饋食禮廩人溉醢獻與七與敦于廩爨有司徹手執桃七枋以挹清注于疏七又士喪禮乃杞載禮記雜記篇北以桑杞杞竝與七同矣漢書匈奴傳單于以徑路

金甌

冷

箕舌曰葉又曰搗帚曰鬣小箕曰筴竹帚曰彗

禮記曲禮篇執箕膺葉少儀篇執箕膺搗拚席不以鬣莊子人間世篇鼓箴播精禮記曲禮篇國中以策彗卹

觶解結錐也刷鋸尺也

詩芄蘭篇童子佩觶禮記內則篇小觶金觥大觶木遂淮南本經訓無所錯其剗刷削鋸漢書揚雄傳般倕弃其剗刷兮應劭注刷曲鑿也刷當與刷通矣

策杖也筌楚杖也短曰敲長曰朴朴榎楚也夏栝也楚

荆也

論語策其馬莊子齊物論篇師曠之枝策也司馬遷報任少卿書其次關木索被筌楚受辱極與筌同莊子天下篇一尺之極賈誼過秦論執敲朴以鞭笞天

教刑禮記學記  
篇夏楚二物

橐排橐也錘鴟頭頗口句鐵以吹火也坊土形也刑範  
鑄劍規模之器也

老子其猶橐籥乎莊子大宗師篇皆在鑪錘之間耳  
錘與錘同淮南本經訓鼓橐籥吹錘以消銅鐵齊俗訓  
鑪橐籥坊設非巧冶不能以治金荀子彊  
國篇刑範正金錫美楊倞注刑與形同

陶家模下圓轉者曰鈞亦曰甄火熟曰𦉰未燒曰坯瓦  
紡磚也

漢書鄒陽傳獨化於陶鈞之上後漢書鄧曄傳甄陶  
品類禮記檀弓篇夏后氏璽周後漢書崔駰傳坯冶  
一陶詩斯干  
篇載弄之瓦

屨灰也

拾雅

卷十八

七



周禮考工記  
人淫之以蜃

礪砥石也砥礪磨石也精曰砥麤曰礪石亦所以砭彈

臃腫也

莊子養生主篇而刀刃若新發於礪書禹貢篇礪砥砮丹國策秦策扁鵲怒而投其石

砧杵之質也築杵也

文選謝靈運擣衣詩欄高砧聲發  
史記秦始皇本紀身自持築杵

臬表也槩括正曲木之木也竿籌也亦謂之鍍梢竿也  
閉錘格也所以編薄席反覆之易也

周禮考工記匠人置槩以縣鄭注槩古文臬荀子性惡篇枸木必將待槩括烝矯然後直論語揖讓而升下而飲集解多竿飲少竿管子國蓄篇且君引鍍量用耕田發草漢書禮樂志餘玉梢以舞歌淮南道應

訓若轉  
閉鏃

機躡謂之牽挺

列子湯問篇  
以目承牽挺

兩木相擊以行夜曰柝以銅作鏹晝炊夜擊曰刁斗溫  
器有柄斗曰鏹銅鏹也

左傳哀七年魯擊柝聞於邾穀梁莊廿五年傳士擊  
柝孟子子抱關擊柝檠與柝同易繫辭傳重門擊檠周  
禮挈壺氏縣壺以序聚檠修閭氏掌比國中宿互檠  
者史記李將軍傳不擊刁斗自衛孟康注刁斗以銅  
作鏹受一斗蘇林  
注形如銅無緣

刻漏也所以占時曰日拭晷景曰表俛候風者也亦謂  
之統楚人謂之五兩設機引水曰翻車爲曲筒以氣引



儀禮聘禮西面坐啟牘論語龜玉毀於櫝中  
同儀禮上喪禮筮者東面抽上韜士冠禮各一匣後  
漢書崔駰傳今子韞櫝六經莊子天運篇盛以篋衍  
楚辭七諫謬諫篇玉與石而同匱今後漢書光烈陰  
皇后紀視太后鏡奩中物劉盆子傳又以兩空札置  
笥中文選班彪王命論思有短褐之襲儀禮士冠禮  
同儀晉書音義列傳五十八負笈文選  
顏延之皇太子釋奠會詩巾卷充街

### 木在首曰枕

易坎險  
且枕

牀邊曰廁第足之間曰辨牀檜也承物者曰机案曰楯

### 版曰衡

史記汲鄭傳上踞廁而視之易象傳剝牀以辨易渙  
渙奔其机莊子達生篇死於豚楯之上禮記雜記篇  
衡

所以居酒罍曰盧酒器可轉注吐酒不已曰滑稽

漢書趙廣漢傳推破盧罍史記樗里子甘茂傳滑稽多智

頃筐欹筐也所以量穀曰畚齊人謂之鍾

詩卷耳篇不盈頃筐周禮挈壺氏挈畚以量糧公羊宣六年傳有人荷畚自閭而出者

裡土輦也亦謂之捫簣藁土籠也簣籠亦謂之畚

孟子蓋歸反藁裡而掩之左傳襄九年陳畚捫輦與捫通漢書五行志陳畚輦注引應劭曰輦所以與土也論語未成一簣匱與簣通後漢書班彪傳竝開迹於一匱

草器曰蕢竹器曰篠以竹徒爲之曰篩戴器曰簍數

論語有荷蕢而過孔氏之門者孟子我知其不爲蕢也論語遇丈人以杖荷篠雅雅篋細篋也篋數也篋也  
辭辭草漢書賈誼傳篩土作阿房之宮東方朔傳迺覆樹上寄生令朔射之朔曰是篋數也

協擊治禾者謂之連枷

漢書王莽傳必躬載拂拂與拂同  
荀子性惡篇則兄弟相拂奪矣

石豐碑也喝碣也方者謂之碑圓者謂之碣

呂氏春秋求人篇故功績勒乎金石  
後漢書竇憲傳封神邱兮建隆碣

燭未焚曰焦焦炬也燭炬火也大燭謂之燎樹於門外  
曰墳燭於門內曰庭燎然燭頭燼曰卽亦曰緒燭盡曰  
櫛著燭處曰句設燭之束曰總煙塵曰煤哀聚火無焱  
曰燼火滅曰灰灼龜木曰煇

儀禮燕禮司宮執燭于西階上大射儀宵則庶子執  
燭于阼階上禮記少儀篇執燭抱燋儀禮士喪禮楚  
序置于燋莊子逍遙遊篇日月出矣而燭火不息國  
語周語設庭燎周禮司烜氏共墳燭庭燎禮記檀弓

拾雅

卷十八

圭

篇夏后氏卽周管子弟子職篇捧椀以爲緒櫛之遠  
近乃承厥火居句如矩錯總之法橫于坐所呂氏春  
秋任數篇煤炙入甌中漢書蘇武傳鑒地爲坎置  
燼火禮記月令篇毋燒灰史記龜策傳梁卯煇黃  
權火燹火也

漢書郊祀志故常以十  
月上宿郊見通權火

楚人名火曰燥吳人曰煇

詩汝墳篇  
王室如燬

緡緡錢貫也索亦曰緡

史記酷吏傳出告緡令漢書食貨志  
緡千萬元寬傳輸租緡屬不絕

格歧閣也引繩立表曰縣最束茅表位曰繯束茅立之  
以縮酒亦曰繯

史記梁孝王世家竇太后被格史記劉敬叔孫通傳  
為縣蕞如淳注引春秋傳置茅蕞也國語晉語置茅  
蕞

柯斧柄為棹鉸裝飾也形如要扇曰攝所以障面曰便  
面亦曰屏面

周禮考工記廬人是故句兵棹文選顏延之赭白馬  
賦寶鉸星纏國語晉語屏攝之位漢書張敞傳自以  
便面拊馬王莽傳  
後常翳雲母屏面

舟謂之杭亦謂之艘亦謂之翼大舟謂之幹小舟謂之  
船亦謂之梁麗並兩舟謂之舫越人謂船為須慮船前  
頭刺櫂處曰艫舟尾曰杙楫謂之柂柂謂之櫂短曰楫  
長曰櫂刺船棹謂之橈亦謂之挈帆柱謂之檣亦謂之



百尺帆綱謂之綃維船索謂之纜繫船杙謂之牂牁

史記司馬相如傳蓋周躍魚隕杭漢書溝洫志發河南以東漕船五百艘文選顏延之三月三日侍遊曲阿後湖詩千翼汎飛鳧李善注引越絕書伍子胥水戰兵法內經曰大翼長十丈中翼長五丈六尺小翼長五丈淮南主術訓越人乘艤舟而浮於江湖湯武聖主也而不能與越人乘艤舟而浮於江莊子秋水篇梁麗可以衝城史記張儀傳舫船載卒越絕書吳內傳越人以船爲須慮漢書武帝紀舫艦千里淮南說林訓心所說毀舟爲杙荀子非相篇接人則用柂淮南道應訓飲非謂柂船者輯濯與楫櫂通漢書劉屈氂傳又發輯濯士以予大鴻臚商邱成淮南主術訓夫七尺之橈而制船之左右者以水爲資莊子漁父篇方將杖桴而引其船文選郭璞江賦萬里連檣木華海賦揭百尺維長綃謝靈運登臨海嶠詩繫纜臨江樓史記西南夷傳道西北牂牁

聯竹木浮水上曰枋箬大曰筏小曰桴

後漢書岑彭傳乘枋簞下江關論語乘桴浮於海附與桴通爾雅釋言舫附也

橋井上桔槔也衡木行馬也折竹以繩縣連禦人往來

曰簞

禮記曲禮篇奉席如橋衡史記袁盎鼂錯傳不騎衡漢書宣帝紀又詔池簞未御幸者假與貧民

凡無高下有絕加蹠板曰楳所以屐苞筭簞曰桁

公羊成二年傳踊于楳而窺客儀禮既夕禮皆木桁

如酒器縛之於身浮江湖以自渡曰樽受投書之器入

不可出曰鉏

莊子逍遙遊篇何不慮以爲大樽史記酤吏傳投鉏

格五簞也行棊相塞謂之簞投六箸行六棊曰六博六

拾雅

卷十八

七

箸十二棊也十二棊白六黑六所擲頭謂之瓊刻瓊四面爲眼謂之齒五白博齒也瓊有五采刻一畫者謂之塞刻兩畫謂之白刻三畫者謂之黑一邊不刻者五塞之間謂之五塞博立泉棊謂之菑亦謂之驍枰局也

漢書吾邱壽王傳年少以善格五召待詔後漢書梁冀傳能彈棊格五六博論語不有博奕者乎列子說符篇擊博樓上簿與博同楚辭招魂篇有六簿些又云呼五白些周禮考工記輪人當蚤不齟史記范雎蔡澤傳懸博與枰餘竝詳列子張湛注楚辭洪興祖補注

蹴鞠兵執也毛丸可踢戲者曰鞠意錢攤錢也一曰詭億一曰射數拚意錢之屬也鈗投翫也

後漢書梁冀傳蹴鞠意錢之戲蹴鞠亦作踘鞠文選何晏景福殿賦解脫承便蓋象戎兵李善注引七略

蹋鞠兵勢也漢書高惠高后文功臣表又博揜完爲城旦掩與揜同後漢書王符傳或以游博持掩爲事淮南說林訓以瓦鉗者全

兩人以手相按能拔引之曰拔距拔河謂之牽鉤

漢書甘延壽傳投石拔距文選左思吳都賦拔距投石之部拔河見封氏聞見記

械桎梏也木在手曰桎在足曰梏兩手共一木曰拳夾頸及脰者曰桁楊夾足止行曰校桎梏械楔也三木項及手足皆有械也五咤懲艾之器桎一梏二拳三也欽踏脚鉗也踊則足者屨也

司馬遷任少卿書淮陰王也受械於陳易蒙用說桎梏周禮大司寇桎梏而坐諸嘉石掌囚中罪桎梏禮記月令篇去桎梏左傳莊卅年則執而梏之周禮掌囚上罪桎梏而桎莊子在宥篇桁楊者相推也聖知

之不爲桁楊接櫓也易繫辭傳屢校滅趾後漢書范滂傳滂等皆三木囊頭暴於階下書舜典篇五流有宅鄭注宅讀曰咤史記平準書敢私鑄鐵器煮鹽者欽左趾左傳昭三年屨賤踊貴

槽謂之阜檻謂之桺欄謂之筴亦謂之圈豕欄謂之豎可以繫牲者曰櫪設于牛角曰楅設于牛鼻曰衡牯楅也

莊子馬蹄篇編之以阜棧論語虎兕出於桺莊子達生篇元端以臨牢筴齊物論篇似園孟子既入其苙周禮肆師頒于櫪人封人設其楅衡易大畜童牛之告

橫銜如箸爲繯結於項曰枚編木作牀曰棧

周禮秋官序官銜枚氏國策齊策其父殺之而埋之馬棧之下

馬絡首曰羈絆前兩足曰鞮亦曰頰牛紉曰縻長繩繫

牛曰縶豕大索曰羸所以繫牲曰縶曰勒曰紉亦曰紉

國語晉語從者爲羸縶之僕莊子馬蹄篇連之以羸  
羸陸德明釋文引司馬向崔本竝作縶音疎縶與縶  
通文選左思吳都賦縶縶縶縶史記司馬相如傳羸縶  
勿絕而已文選馬融長笛賦或乃植持縶縶易姤羸  
豕乎蹢躅大壯羸其角陸德明釋文羸虞作縶王肅  
作縶縶縶竝與羸通左傳僖廿四年臣負羸縶杜注  
縶馬縶也服注則曰大縶是縶乃繫牲通稱矣縶與  
縶同禮記少儀篇大則執縶又云牛則執紉馬則執  
勒祭統篇君執紉周禮封人置其紉

以羽毛爲飾謂之𦘒

後漢書單超傳金銀𦘒𦘒施於犬馬

簫管也管簫搏鍵器鑰匙也

書金縢篇啟簫見書周禮司門掌授管鍵左傳僖卅  
二年鄭人使我掌其北門之管鄭注杜注竝云管簫

拾雅

卷十八

九

也史記魯仲連鄒陽傳魯人投其簫禮記月令篇慎管簫

周尸曰棺壽器祕器禭傍棺也親身地棺曰棨亦謂之辟棺題曰和棺中苓牀曰榻周棺曰椁橫塗曰殯藏曰室塚壙曰室生而自爲冢曰壽冢壟墓外遊飾曰次浮棺飾曰翼曰翰亦曰見柩車行所以披持棺者曰披載柩車飾曰輅撥紼也折承席也與尸之具曰機俑偶人也藏主石函曰祔

孝經爲之棺槨衣衾而舉之後漢書梁商傳賜以東園朱壽之器袁安傳賜以珠畫特詔祕器莊子人間世篇求禭傍者斬之禮記檀弓篇君卽位而爲棨曾子問篇三年之戒以棨從左傳襄二年不設屬辟呂氏春秋開春篇見棺之前和左傳昭廿五年淮是編所以藉幹者周禮問師不樹者無停孝經作緊

注鄭與享同周書作雝解殓于岐周呂氏春秋節喪篇題湊之室詩葛生篇歸于其室後漢書侯覽傳又錄作壽豕管子侈靡篇故有次浮也周禮女御后之喪持嬰御僕持嬰左傳成二年棺有翰楨儀禮既夕禮藏器於旁加見周禮司士執披禮記雜記篇其轝有殯檀弓篇哀公欲設撥禮記雜記篇而後折入曾子問篇遂與機而往檀弓篇謂為備者不仁孟子始作俑者左傳昭十八年使祝史徙主祔於周廟哀十六年反祔於西圖

溺器棹榼曰飲器虎子曰械褻器清器虎子之屬

淮南道應訓破其首以為飲器史記萬石張叔傳取親中裙廁輪蘇林注引賈逵解周官械虎子也窬行清也周禮玉府凡褻器

內成曰器器實曰用器之總名曰械貯庫而為備者曰處器人家常用之器非一以十為數曰什器



拾雅

卷十八

千

史記秦始皇本紀器械一量盛與成通後漢公孫述傳器械之饒李賢注內盛曰器外盛曰械書微子篇乃攘竊神祇之犧牲牲用禮記王制篇器械異制孟子以粟易械器者管子問篇處器之具史記五帝紀作什器於壽邱

釋樂

六律謂之六始六同謂之六呂一曰六間函鍾謂之林鍾一曰百鍾小呂謂之中呂夾鍾謂之圜鍾竹管陽律也銅管陰律也

周禮大師掌六律六同以合陰陽之聲大元元瑩六始爲律六間爲呂國語周語爲之六間以揚沈伏而黜散越也周禮大師函鍾小呂淮南時則訓律中百鍾周禮大司樂圜鍾爲宮典同掌六律六同之和以辨天地四方陰陽之聲

律呂

金鍾鎛也石磬也土塤也革鼓鼗也絲琴瑟也木柷敔也匏笙也竹管簫也乾音石其風不周坎音革其風廣莫艮音匏其風融震音竹其風明庶巽音木其風清明離音絲其風景坤音土其風涼兌音金其風閭闔

周禮大師金石土革絲木匏竹左傳  
隱五年夫舞所以節八音而行八風

八音

葛天氏曰載民曰元鳥曰遂草木曰奮五穀曰敬天常曰建帝功曰依地德曰總禽獸之極伏羲曰立基神農曰葦簫黃帝曰承雲祝融曰屬續少昊曰九淵帝嚳曰

六瑩舜曰七始曰和伯禹曰夏籥曰承夏湯曰桑林曰  
晨露文王曰辟雍曰巨業武王曰三象棘下雜聲和樂  
曰縵房中樂曰燕兵樂曰愷

葛天氏樂八閔見呂氏春秋古樂篇立基屬續九淵  
見周禮大司樂賈公彥疏禮記明堂位篇土鼓黃桴  
鞀籥伊耆氏之樂也說者以伊耆爲神農列子周穆  
王篇奏承雲六瑩九韶晨露以樂之漢書律歷志子  
欲閔六律五聲八音七始詠司馬相如上林賦弋元  
鶴李善注引尚書大傳舜樂歌曰和伯之樂禮記仲  
尼燕居篇夏籥序興通典禹命登扶氏爲承夏之樂  
莊子養生主篇莫不中音合于桑林之舞呂氏春秋  
古樂篇湯乃命伊尹作爲大謨歌晨露莊子天地篇  
文王有辟雍之樂樂苑文王樂名巨業淮南齊俗訓  
周樂大武三象棘下周禮磬師教縵樂燕樂大司樂  
王師大獻令奏愷樂樂師凡軍大獻教愷樂眡瞭愷  
獻亦如之鑄師軍大獻則鼓  
共愷樂大司馬愷樂獻于社

樂名

清鐘赤鐘黃鐘景鐘黑鐘和鐘鐸鐘笙鐘編鐘無射鐘

大呂鐘姑洗鐘

管子五行篇昔黃帝以其緩急作五聲以正五鐘一曰清鐘大音二曰赤鐘重心三曰黃鐘灑光四曰景鐘昧其明五曰黑鐘隱其常禮記明堂位篇垂之和鐘周禮序官鐸師鐸與鐸同儀禮大射儀其南笙鐘其南鐸周禮磬師掌教擊磬擊編鐘左傳昭廿一年天王將鐸無射國語周語景王廿三年王將鐸無射而爲之大林左傳定四年分康叔以大呂分唐叔以姑洗

鳴球浮磬離磬頌磬笙磬

書益稷篇夏擊鳴球璆與球通國語魯語臧文仲以主玉磬如齊告羅韋注玉磬鳴璆也書禹貢篇泗水浮磬禮記明堂位篇叔之離磬周禮眡瞭播鼗擊磬笙磬儀禮大射儀樂人宿縣于阼階東笙磬西

一面西階之西  
頌磬東面

# 土鼓建鼓鼙鼓皐陶鼓密須鼓馬上鼓謂之提

周禮籥章掌土鼓鼙籥壺涿氏以炮土之鼓毆之禮  
記明堂位篇土鼓黃桴管子桓公問篇禹立建鼓於  
朝而備訊喉儀禮大射儀建鼓在阼階西一建鼓在  
其南一建鼓在西階東詩靈臺篇鼙鼓逢逢周禮韞  
人爲皐陶長六尺有六寸案此鼓鄭注引賈侍中云  
近晉鼓也韞人別有皐鼓長尋有四尺卽鼙鼓也與  
此鼓異左傳定四年成王分唐叔大路之旂密須之  
鼓昭十五年密須之鼓與其大路文所以大蒐也周  
禮大司馬  
師帥執提

伏羲氏琴面圓底平龍池八寸鳳池四寸黃帝琴曰清  
角

白虎通義琴始自伏羲所作蔡邕論琴曰義削桐爲  
琴面圓法天底平象地龍池八寸通入風鳳池四寸

象曰氣梁元帝纂要古琴  
名有清角黃帝之琴觀玉

秦吳瑟二十五絃炎帝瑟五絃帝堯瑟十五絃舜瑟二

十三絃

漢書郊祀志秦帝使素女鼓五十絃瑟悲帝禁不止  
故破其瑟爲二十五絃呂氏春秋古樂篇朱襄氏之  
治天下也土達作爲五絃瑟帝堯立瞽叟拌五絃之  
瑟作以爲十五絃舜立拌瞽叟之所爲瑟益之八絃  
以爲二十三絃

周雲和之琴瑟空桑之琴瑟龍門之琴瑟孤竹之管陰

竹之管孫竹之管

見周禮  
大司樂

繞梁綠綺素琴一絃

拾雅

卷十八

三

傳元琴賦序楚莊王琴曰繞梁蔡邕有綠綺琴名器也晉書陶潛傳性不解音而蓄素琴一張孫登傳撫一絃

### 伶簫鍾笙笙簫之屬曰蕩

國語魯語令伶簫詠歌及鹿鳴之三周禮笙師凡祭祀饗射共其鍾笙之樂儀禮大射儀蕩在建鼓之間簫以竹爲之長三尺執之以舞南籥南籥

詩簡兮篇執籥秉翟左傳襄廿九年舞象南籥周禮籥章掌土鼓南籥

蓬五空管如蓬而小併兩而吹之春牘以竹大五六寸長七尺短者一二尺其端有兩空髹畫以兩手築地應長六尺五寸中有椎雅如漆簫而鼻口大二圍長五尺六寸以羊韋輓之有兩紐疏畫

周禮小師教鼓鼗祝敔塤簫管弦歌笙師教  
敔竽笙塤簫簫篪篴管春牘應雅以教祔樂

鐘磬所縣橫曰簣植曰虞簣亦謂之業上飾卷然可以  
縣曰崇牙亦謂之縱鐘紐曰追擊鼓杖曰枹曰攄  
日攄琴微日的瑟下孔曰越琴瑟絃曰綸

周禮考工記梓人爲簣虞簣與簣同禮記明堂位篇  
夏后氏之龍簣虞詩有瞽篇設業設虞崇牙樹羽  
臺篇虞業維縱孟子以追蠡後漢書董宣傳枹鼓不  
鳴董少平攄與枹同第五倫傳攄鼓不鳴管子宙合  
篇若鼓之有攄後漢書禰衡傳衡方爲漁陽參攄李  
賢注文士傳作漁陽參攄枚乘七發九寡之珥以爲  
約李善注引字書約亦的字也儀禮鄉飲酒禮挈越  
大射儀同鄉射禮執越燕禮同禮記樂記朱絃而疎  
越莊子齊物論篇而其子又以文之綸

鐸于圓如碓頭鐻鉦也如小鍾一曰丁寧鐻如鈴無舌



有秉金口木舌爲木鐸文事奮之金舌爲金鐸武事奮之

周禮鼓人以金鐸和鼓以金鐸節鼓以金鐸止鼓國語晉語戰以鐸于丁寧吳語鳴鍾鼓丁寧鐸于左傳宣四年著于丁寧周禮小宰甸以木鐸呂氏春秋仲春紀奮鐸以令於兆民

筑似瑟五絃之樂也或曰二十一絃

後漢書延篤傳雖漸離擊筑淮南秦族訓高漸離宋意爲鼓筑

缶盆也

易離不鼓缶而歌則大耋之嗟詩宛邱篇坎其擊缶史記李斯傳斯上始皇帝書擊寶叩缶彈箏搏髀而歌呼鳴鳴缶與缶同

樂器

曲合樂曰歌風歎哭歌也哇謳也行操弄引曲也楚歌  
謂之豔發歌句謂之倡徐引聲謂之凝

詩園有桃篇我歌且謠論衡明雩篇引論語風乎舞  
雩文選曹植與吳季重書鳳歎虎視淮南覽冥訓昔  
雍門子以哭見於孟嘗君文選張協七命若乃追清  
哇赴嚴節史記司馬相如傳爲鼓一再行後漢書曹  
褒傳歌詩曲操以侯君子文選王褒洞簫賦時奏狹  
弄馬融長笛賦故伶曲引者左思吳都賦荆豔楚舞  
禮記樂記篇一倡而三歎文選謝朓鼓吹曲凝笳翼高蓋

駕辯勞商孝成南風九辯九歌塗山肆夏采薺狸首新  
宮武宿夜明明崇禹生開陽春白雪淶水幽蘭

楚辭大招篇伏戲駕辯楚勞商只尙書大傳謨然乃  
作大唐之歌納以孝成尸子帝舜彈五絃之琴以歌  
南風山海經大荒西經夏后開上賓于天得九辯與  
九歌焉塗山歌見吳越春秋周禮樂師教樂儀行以

肆夏趨以采菁諸侯以狸首爲節儀禮大射儀奏狸首燕禮記下管新宮武王統篇舞莫重於武宿夜逸周書世俘解篇人奏武王獻明明三終奏崇禹生開三終國策宋玉對楚王問爲陽春白雪和者不過數人文選張協七啟奏淩水吐白雪宋玉風賦爲幽蘭白雪之曲

詩歌

八伯舞桑林舞帔舞羽舞皇舞旄舞干舞人舞象舞六舞小舞綴鄧也舞者之位也翳舞者所持也

尚書大傳虞傳泰山陽伯舞朱離儀伯舞鸞哉霍山夏伯舞謾或義伯舞將陽華山秋伯舞蔡淑和伯舞元鶴宏山冬伯舞齊落桑林兄前樂名周禮樂師凡舞有帔舞有羽舞有皇舞有旄舞有干舞有人舞有舞卽羽舞詩碩人篇執籥秉翟周禮籥師掌教國子舞羽歛籥禮記文王世子篇秋冬學羽籥是也萬舞卽干舞公羊宣八年傳萬者何干舞也詩維清序維清奏象舞也周禮大司樂以樂舞教國子舞雲門大

卷大成大磬大夏大濩大武以六舞大合樂樂師掌  
國學之政以教國子小舞禮記樂記篇綴兆舒疾詩  
君子陽陽篇左執  
朝鄭箋朝翳也

### 舞名

夏九夷樂周四夷樂東方曰昧南方曰任西方曰株離  
北方曰禁南夷之樂亦曰南顛歌西南夷歌也巴渝獠  
舞也笳胡樂也

後漢書東夷傳夷有九種畎夷千夷方夷黃夷白夷  
赤夷元夷風夷陽夷夏少康已後世服王化遂賓於  
王門獻其樂舞周禮鞀氏掌四夷之樂與其聲歌  
後漢書陳禪傳四夷之樂陳於門故詩云以雅以南  
韎任朱離李賢注毛詩無韎任朱離之文蓋見齊魯  
詩也朱與株同株又作侏蔡邕獨斷西方曰侏離白  
虎通禮樂篇又作朝離文選班固東都賦儵侏兜離  
李善注引孝經鉤命決又作林離朝兜乃株一聲之

轉林則字形相近而訛耳禮記文王世子篇胥鼓南  
文選司馬相如上林賦文成顛歌巴渝宋蔡後漢書  
實融傳贊  
聽笳龍庭

### 夷樂

優侏儒北里折楊皇荅陽阿采菱延路陽局干遮

禮記樂記篇及優侏儒優雜子女史記商本紀北里  
之舞靡靡之樂莊子天地篇折楊皇荅則嗑然而笑  
淮南說山訓欲美和者必先始於陽阿采菱人間訓  
鄙人聽之不若此延路陽局似延路陽局文選司馬  
相如上林賦  
淮南干遮

### 俳樂

以豶豬血釁鐘曰落膈懸鐘格也拈隔擊考也雷鼓曰  
譟疾雷擊鼓曰駮小擊鼓謂之疊張紆謂之緯急張絃

謂之絙楔鼓也。驚彈謂之微并絃謂之參彈。雜比曰音單。出曰聲。曲終曰闕。

左傳昭四年饗大夫以落之。史記禮書縣一鐘尚拊。膈荀子禮論同楊倞注。膈擊也。漢書揚雄傳拊隔鳴球。家語相魯篇齊使萊兵以鼓相譟。周禮大司馬鼓皆駢文。選謝朓鼓曲。墨鼓送華。轉楚辭九歎。愍命篇挾人箏而彈緯。九歌東君篇絙瑟兮交鼓。招魂篇楔梓瑟些。淮南主術訓鄒忌一微而威。王終夕悲感於憂。修務訓參彈復微。禮記樂記篇聲成文。謂之音。文王世子篇有司告以樂闕。

拾雅卷第十九

高郵夏味堂

拾遺釋九

釋天

天之爲言鎮也神也陳也珍也旋也均也古帝天也文  
祖后帝泰元九陔洪鈞圓靈曾穹天也太儀天庭也閭  
闔天門也堪天道也

鎮神陳珍見爾雅釋天釋文引春秋說題辭旋均見  
物理論書堯典曰若稽古帝堯洪範篇帝乃震怒詩  
皇矣篇既受帝祉禮記文王世子篇夢帝與我九齡  
祭義篇唯聖人爲能饗帝詩烈祖篇古帝命武湯書  
舜典篇受終于文祖左傳文二年皇皇后帝漢書禮  
樂志惟泰元尊專精厲意逝九閭如淳注閭亦陔也

淮南子曰吾與汗漫期乎九陔之上陔重也謂九天之上也文選張華詩洪鈞陶萬類謝莊月賦圓靈水鏡謝惠連詠牛女詩瞬目瞻會穹楚辭遠遊篇朝發軔於太儀兮楚辭離騷篇倚閭闔而望子文選揚雄甘泉賦屬堪輿以壁壘兮

天不足西北陽極於九故天周九九八十一萬里天如

雞子天大地小表裏有水地各承氣而立載水而浮

見春秋元命苞

八極之維徑二億三萬二千三百里南北則短減千里東西則廣增千里自地至天半於八極則地之深亦如之

見張衡靈憲計天度者言人人殊衡在漢時推步最精故獨載其說



子午卯酉爲二繩丑寅辰巳未申戌亥爲四鉤東北爲  
報德之維西南爲背陽之維東南爲常羊之維西北爲  
蹠通之維日冬至則斗北中繩陰氣極陽氣萌故曰冬  
至爲德日夏至則斗南中繩陽氣極陰氣萌故曰夏至  
爲刑

見淮南  
天文訓

### 天體

陽氣數成於三故時三月陽數極於九故三月一時九  
十日

見春秋  
元命苞

春夏爲發秋冬爲斂首時爲孟

發斂見漢書律曆志

劉向傳孟陬無紀

積日曰閏十日曰旬亦曰挾日匝四時曰朞匝一月曰  
朞周日至爲正殷日至三十日爲正夏日至六十日爲  
正自正月盡四月爲歲之朝上旬爲月之朝平旦至食  
時爲日之朝晡時至黃昏爲日之夕下旬爲月之夕自  
九月盡十二月爲歲之夕一時三月謂之三春九十日  
謂之九春秋亦如之上春孟春也上日元日歲首朔日  
也亦謂之三朝亦謂之三始朔月月朔日也亦謂之吉  
王在門謂之閏

史記高祖功臣年表積日曰閱書五子之歌篇十句  
弗返左傳宣十一年事三旬而成周禮大司馬挾日  
而敘之書堯典篇三百有六旬有六日管子侈靡  
篇若旬虛期於月津三正見公羊隱元年范甯注三  
朝三夕見洪範五行傳文選嵇康琴賦若夫三春之  
初靡服以時周禮天府上春蠶寶鎮及寶器書堯典  
篇正月上日月正元日文選班固東都賦春王三朝  
李善注三朝歲首朔日也漢書鮑宣傳今日蝕於三  
始儀禮士喪禮朔月奠周禮大宰正月之吉大司徒  
同族師月吉則屬民而讀邦法論語吉月周禮大史  
閏月詔  
王居門

五音倍而爲日六律倍而爲辰故日十而辰十二月日  
行十三度七十六分度之二十六二十九日九百四十  
分日之四百九十九而爲月而以十二月爲歲歲有餘  
十日九百四十分日之八百二十七故十九歲而七閏

月

見淮南

天文訓

十二年曰紀千五百三十九歲爲一統四千六百一十

七歲爲一元

書畢命篇既歷三紀

統元見論衡調時篇

### 歲時

天左旋日月五星右行日行遲月行疾日日行一度月

日行十三度十九分度之七

見白

虎通

日有中道月有九行中道者黃道一日光道光道北至

東井南至牽牛東至角西至婁夏至日至於東井去北

極近故晷短立八尺之表而晷景長尺五寸八分冬至  
至於牽牛去北極遠故晷長立八尺之表而晷景長丈  
三尺一寸四分春秋分日至婁角去極中而晷中立八  
尺之表而晷景長七尺三寸六分若日之南北失節晷  
長爲潦短爲旱奢爲扶月行青赤出陽道白黑出陰道  
若月去中道移而東北入箕若東南入軫則多風移而  
西入畢則多雨

見漢書  
律曆志

日出于暘谷浴于咸池拂于扶桑是謂晨明登于扶桑  
爰始將行是謂朏明至于曲阿是謂旦明至于會泉是

謂蚤食至于桑野是謂晏食至于衡陽是謂隅中至于  
昆吾是謂正中至于烏次是謂小還至于悲谷是謂餉  
時至于女紀是謂大還至于淵虞是謂高春至于連石  
是謂下春至于悲泉爰止其女爰息其馬是謂縣車至  
于虞淵是謂黃昏至于蒙谷是謂定昏日入于虞淵之  
汜曙于蒙谷之浦行九州七舍禹以爲朝晝昏夜

見淮南天文訓湯谷與暘谷同山海經海外東經湯  
谷上有扶桑十日所浴搏桑與扶桑同淮南陸形訓  
暘谷搏桑在東方禺谷卽虞淵也山海經大荒北經  
夸父不量力欲追日景逮之於禺谷禹一作隅列子  
湯問篇隅谷之際濛濛與蒙通文選  
左思蜀都賦沛若濛汜之涌波

日中食時平旦雞鳴夜半人定黃昏日入晡時日昃周

之十時也

左傳昭五年日之數十故有十時

日食甲乙四海之外不占丙丁江淮海岱也戊己中州河濟也庚辛華山以西壬癸恒山以北

見史記天官書

陽日也大明白駒曜靈華景翔陽朱羲朱光馳暉日也

日景曰蔭

詩湛露篇匪陽不晞易彖傳大明終始禮記禮器篇大明生于東莊子知北遊篇若白駒之過郤文選張衡歸田賦於時曜靈俄景陸機樂府長安有狹斜行輕蓋承華景木華海賦翔陽逸駭於扶桑之津郭璞遊仙詩朱羲將由白張載七哀詩朱光馳北陸謝朓覽使下都詩馳暉不可接左傳昭元年趙孟視蔭

朔旦也夏以平旦爲朔殷以雞鳴爲朔周以夜半爲朔

莊子逍遙遊篇朝菌不知晦朔平旦雞鳴夜半見白虎通三正篇

昏鼓四通爲大驚夜半三通爲晨戒旦明五通爲發昬日入後漏三刻爲昏日出前漏三刻爲明明晝也幽夜也發旦也昔夕也旦曰朝莫曰夕日尙冥未明日昃爽明始生曰晞日欲出曰昕日始出曰盱旦明爲昃昕曰西曰昃亦曰稷晡時曰下昃日申時食曰哺昏時爲闇亦爲曛黃

周禮鼓人凡軍旅夜鼓驚文選陸倕刻漏銘自天觀象昏旦之刻未分左傳昭元年明淫心疾文選何晏景福殿賦若幽星之纏連也詩載驅篇齊子發夕莊子齊物論篇是今日適越而昔至也禮記文王世子



篇朝夕至于大寢之門外漢書郊祀志辛巳朔旦冬至吻爽詩東方未明篇東方未晞禮記祭義篇及大昕之朝易豫文選班固幽通賦吻所寤而仰思後漢書章帝紀劬勞日昃公羊定十五年經日下昃穀梁經作日下稷淮南天文訓是謂鋪時禮記祭義篇夏后氏祭其闇楚辭九章思美人篇與曉黃以爲期

恒弦也魄朏也晦而月見西方曰朏朔而月見東方曰

側匿亦曰腦

詩天保篇如月之恒書康誥篇惟三月哉生魄周禮保章氏掌天星以志星辰日月之變動鄭注月有盈虧朏側匿之變漢書五行志作仄慝仄慝與側匿同

日所舍曰次二十八宿一宿曰一舍所舍之次曰房月所歷曰離月與日會曰紀辰次曰虛趨舍而前曰羸退

舍曰縮

禮記月令篇曰窮于次月窮于紀文選郭璞遊仙詩  
迴日向三舍書允征篇辰弗集于房月所歷見蔡邕  
月令章句國語晉語實沈之虛  
晉人是居羸縮見史記天官書

日所出曰九陽日所入曰崦嵫日所行道曰飛谷

楚辭九思遭厄篇踵九陽兮戲蕩離騷篇  
望崦嵫而未迫遠逝篇橫飛谷以南征

日中有踰烏月中有蟾蜍

見淮南  
精神訓

彌氣貫日也日赤黃曰薄變氣曰謫日月無光曰瞢日

月食曰闇月欲明曰朧朧

周禮厭禮五曰闇六曰瞢七曰彌史記天官書日月  
薄蝕左傳昭三十一年日始有謫適與謫通史記天

官書日月暈適文選潘岳  
秋興賦月朏朧以含光兮

日月

北斗魁爲首杓爲末第一星至第四爲魁第五至第七  
爲杓魁星謂之宮斗玉衡北兩星曰玉繩杓端主指者  
曰招搖文昌第五第四星曰司中司命或曰中能上能  
也第六星曰司民或曰下能也三台謂之三階亦曰泰  
階軒轅角謂之司祿

禮記檀弓篇不爲魁淮南天文訓斗杓爲小歲禮斗  
威儀宮斗端明文選張衡西京賦正睹瑤光與玉繩  
禮記曲禮篇招搖在上周禮大宗伯以標燎祀司中  
司命天府若祭天之司民司祿三台與三能同後漢  
書崔駰傳不以此時攀台  
階郎顗傳三公上應台階

太微宮曰帝庭紫宮外曰鉤陳天臺曰漸臺天津曰五潢天苑曰青林匏瓜曰天雞織女曰天女天策曰傳說極後四星曰句星斗杓後三星曰維星五車之三柱曰三淵

文選謝莊月賦引元兔於帝臺集素娥於后庭李善注引張泉觀象賦寥寥帝庭自注帝庭謂太微宮又賦曰漸臺可升自注漸臺天臺之名後漢書班彪傳周以鉤陳之位文選張衡思元賦乘天潢之汎汎兮李善注引樂緯曰商爲五潢思元賦又云獵青林之茫茫匏瓜天女見荊州占國語晉語天策惇惇句星維星三淵見漢書律厤志

歲星一曰攝提曰重華曰紀星太白一曰殷星曰太正曰營星曰觀星曰宮星曰明星曰大衰曰大澤曰終星

曰大相曰天浩曰序星曰月緯曰梁星曰大爽辰星一

曰細極曰驟星曰伺祠

見史記天官書及天官占

國皇歸邪景星吉星也

史記天官書國皇狀類南極所出其下兵彊如星非星如雲非雲命曰歸邪歸邪出必有歸國者景星者德星也出於有道之國

昭明五殘賊星司危獄漢地維咸光燭星蚩尤長庚祇星也

並見天官書孟康注皆五星之精散所爲也

星精也恒星經星也五緯五星也五精五方星也三光

三大辰也沫小星也賁星句星客星也第彗星也

星精見春秋說題辭穀梁莊七年傳恒星不見後漢書郎顗傳五緯循軌文選張衡東京賦五精帥而來摧禮記鄉飲酒義參之以三光易豐日中見沫淮南天文訓賁星墜而勃海溢道應訓句星在房心之間文選揚雄劇秦美新大第經賁

星同舍爲合突掩爲陵相擊爲鬪居其宿曰守自下觸之曰犯五星有變其精散爲祇星曰散

並見漢書天文志

### 星

風萌也習習蓬蓬眈眈藪藪風也風之遲弱者曰飈

白虎通義八風篇風之爲言萌也詩谷風篇習習兮風莊子秋水篇蓬蓬然起於北海蓬蓬然入於南海

文選宋玉風賦肱肱雷聲鮑昭蕪城賦  
藪藪風威郭璞江賦徐而不颺

卿雲喜氣也景雲五色雲也景明也強也外赤內青曰  
喬白曰第密雲曰周雲雲興曰淠萋萋油油吸吸云云  
雲也無雲曰晏雲師謂之屏翳雨師謂之元冥

史記天官書若煙非煙若雲非雲郁郁紛紛蕭索輪  
囷是謂卿雲慶與卿通慶雲見漢書律厯志後漢書  
郎顗傳則景雲降集胥殄息矣景明見禮斗威儀景  
強見春秋考異郵文選左思魏都賦喬雲翔龍楚辭  
天問篇白蜺嬰茀淮南俶真訓譬若周雲之龍從遼  
巢澎溲而爲雨詩大田篇有淠萋萋史記司馬相如  
傳雲之油油楚辭九歎思古篇雲吸吸以湫戾呂氏  
春秋圖道篇雲氣西行云云然惟南繆稱訓暉目知  
晏漢書郊祀志中山晏溫有黃雲焉如淳注日出清  
濟爲晏案清濟卽無雲之義也後漢書張衡傳雲師  
蹇以交集兮風俗通義引春秋左  
氏傳說鄭大夫子產讓於元冥

雷公謂之豐隆隆隆隆雷也殷雷聲也

水經河水篇屈從其東南流入于渤海酈注引穆天子傳天子升崑崙封豐隆之葬後漢書張衡傳豐隆軒其震霆兮詩雲漢篇蘊隆蟲蟲殷其雷篇殷其雷

列缺電也倏忽電光也

列缺見張衡思元賦楚辭天問篇儻忽焉在

水雪雜下曰汁

禮記月令篇行秋令則天時雨汁

風雲雷電雨雪

祭察也積薪燔柴曰樵祀后土曰社迎四方氣於郊曰方五嶽四鎮四瀆曰四望日月星海亦曰四望四方羣



神風伯雨師餘山川三十六所亦曰方望祭上帝曰旅  
祭山亦曰旅磔牲曰辜尸祭曰隋下祭曰墮禦未至曰  
梗除災害曰禴卻變異曰禳祈福祥曰禳吁嗟請雨曰  
雩師祭曰貉禱牲馬祭曰禱祭道神曰祖因獵取獸祭  
其先祖曰臘磔禳也殺牲祭以血塗之曰釁

祭察見春秋繁露義祭篇燔柴見風俗通義祀典篇  
詩甫田篇以社以方周禮大宗伯國有大故則旅上  
帝及四望公羊僖卅一年傳天子有方望之事周禮  
大宗伯以禴辜祭四方百物小祝贊隋儀禮士虞禮  
祝命佐食墮祭鄭注下祭曰墮周禮曰既祭則藏其  
墮謂此也今文墮爲綏又少牢饋食禮尸將酢主人  
時上佐食以綏祭鄭注綏讀爲墮是墮綏通矣又特  
牲禮祝命按祭則授與綏同周禮女祝掌以時招梗  
禴禳之事左傳昭九年於是乎禴之禮記月令大雩  
帝公羊桓五年傳大雩者何旱祭也周禮肆師祭表

貉甸祝掌四時之田表貉之祝號說文示部引詩曰  
既禡既禡左傳昭七年夢襄公祖禮記月令篇臘先  
祖五祀旁磔周禮雞人面禋豐管子小問篇桓公卽  
位令釁社塞禱孟子將以豐鐘呂氏春秋慎大篇釁  
鼓旂甲兵

七政日月五星也二紀日月也三辰日月星也一曰三

光一曰重光一曰三精

太元元瑩以齊七政後漢書張衡傳察二紀五緯之  
綱繆商皇書益稷篇日月星辰孔傳日月星爲三辰  
後漢書朱浮傳干動三光書顧命篇  
宣重光後漢書光武紀贊三精霧塞

天宗日月星辰也宗社宗也田祖先嗇也

禮記月令篇天子乃祈來年于天宗詩鳧鷖篇既燕  
于宗甫田篇以迓田祖周禮篇章凡國祈年于田祖  
鄭注田祖  
神農也

含靈咸池女夷青女諸稽通視赤奮若共工諸比皐稽  
隅强窮奇天神也五帝曰五泰辰之神曰靈星天田亦  
曰靈星處西北隅以司日月之長短曰石夷古主炊母  
之神曰族人炊髻竈神也早神曰女魃馬祖曰伯人物  
裁害之神曰酺惡鬼曰厲强鬼曰楊大厲疫鬼曰伯强  
百物之神曰魍小兒鬼曰魃耗鬼曰魑

史記司馬相如傳左元冥而右含靈漢書作黔雷義  
同楚辭七諫自悲篇屬天命而委之咸池淮南天文  
訓女夷鼓歌以司天青女乃出諸稽以下八風神並  
見陸形訓荀子蠶賦請占之五泰靈星見風俗通義  
祀典篇零與靈同後漢書東夷傳好祀鬼神社稷零  
星山海經大荒西經有人名曰石夷漢書郊祀志晉  
巫祠五帝東君雲中君巫社巫祠族人炊之屬莊子  
達生篇竈有髻後漢書張衡傳夫女魃北而應龍翔

詩吉日篇既伯既禱周禮族師春秋祭醕亦如之步  
與醕通校人冬祭馬步左傳襄十七年而父為厲禮  
記郊特牲篇鄉人禘鄭注禘或為獻或為讎楚辭天  
問篇伯強何處周禮凡以神仕者以夏日至致地示  
物彪魅與魍魎同左傳宣三年螭魅罔兩文選張衡東  
京賦況魍魎與畢方漢書揚雄傳捎夔魍而扶獮狂

祀典

比年簡徒謂之蒐三年簡車謂之大閱五年大簡車徒

謂之大蒐

公羊桓六年傳蓋以  
罕書也何晏集解

甸田獵也

周禮司服凡  
甸冠弁服

火田為燎亦曰燒

詩正月篇燎之方揚管子  
輕重甲篇齊之北澤燒火

### 隸兵

志章識也章旌旗也徽識也徽號旌旗之名也大旗謂  
之麾亦謂之綏亦謂之戲靈姑鉶渠眉洪頤旗也綉花  
旆也旆謂之旌肥胡祀姑幡也旗正幅曰繆張繆曰弧  
旗旒曰紛其衣曰羈竿謂之杠杠謂之幢幢謂之幬羽  
葆幢謂之纛亦謂之翳

禮記檀弓篇公西赤爲志焉史記張丞相傳爲職志  
國語晉語變非聲章不能移也左傳昭廿一年揚徽  
者公徒也禮記大傳篇殊徽號周禮巾車建大麾穀  
梁莊廿五年置五麾禮記明堂位篇夏后氏之綏史  
記高帝本紀兵罷戲下漢書高帝紀集注戲讀曰麾  
左傳昭十年公卜使王黑以靈姑鉶率吉管子小匡

篇渠眉赤旂漢書楊雄傳舉洪頤樹靈旗史記衛世家賜衛寶祭器索隱引左傳分康叔以大路大旂少帛綉夜旂旌大呂史記孝文本紀朝有進善之旌國語吳語建肥胡文選左思吳都賦建祀姑周禮巾車建大常十有二旂鄭注大常九旗之畫日月者正幅爲繆好則屬焉儀禮觀禮載龍旂弧韜禮記明堂位篇載弧韜漢書揚雄傳青雲爲紛禮記檀弓篇綢練設旒鄭注綢練以練綢旌之杠儀禮鄉射禮記杠長三仞後漢書班彪傳撫鴻幢周禮鄉師及葬執纛鄭注作翺與纛同山海經海外西經夏后啟左手操翺

旗幟

釋地

地麗也施也易也媼也富媼大塊地也輿地道也

麗施見爾雅釋地釋文地易見白虎通義天地篇地媼見春秋說題辭漢書禮樂志后土富媼文選張華答何劭詩大塊稟羣生堪輿兄釋天

神農以上東南神州曰晨土正南邛州曰深土西南戎  
州曰涓土正西弇州曰开土正中冀州曰白土西北柱  
州曰肥土北方元州曰成土東北咸州曰隱土正東陽  
州曰信土

後漢書張衡傳越邛州而愉敖李賢注引河圖緯地  
有九州帝王世紀自神農以上有大九州桂州迎州  
神州之等黃帝以來德不及遠惟於神州之內分爲  
九州淮南墜形訓晨土作農土正南作次州曰沃土  
白土作中土北方元州作正北  
沛州咸州作薄州信土作申土

黃帝治東至于海登丸山及岱宗西至于空桐登雞頭  
南至于江登熊湘北逐葷粥合符釜山

顓頊治北至于幽陵南至于交趾西至于流沙東至于

蟠木

竝見史記  
五帝本紀

禹使大章步自東極至於西極二億三萬三千五百里  
七十五步又使豎亥步南極北至于北垂二億三萬三  
千五百里七十五步

見山海經  
中山經

堯所治冀州兗州青州徐州揚州荊州豫州梁州雍州

見書禹貢篇晉書地理志帝  
堯時禹平水土以爲九州

舜所治冀州并州幽州青州營州徐州兗州豫州揚州  
荊州雍州梁州



書舜典篇肇  
十有二州

周所治揚州荊州豫州青州沅州雍州幽州冀州并州  
南北萬三千三百六十八里東西九千三百二里

九州見周禮職方氏里數見帝王世紀及漢書地理志並禮記王制篇西方曰棘東方曰寄正義

三亳東成臯南轅轅西降谷也幽陵幽州也荆楚也于  
吳也

書立政篇三亳楚辭大招篇北至幽陵國語晉語晉伐鄭荊救之淮南原道訓于越生葛絺

雍州有弦蒲幽州有獫狁秦有具圃趙有鉅鹿齊有申

池越有姑蔑

周禮職方氏其澤藪曰弦蒲其澤藪曰獫狁淮南墜形訓秦之陽紆高誘注陽紆一名具圃淮南又云趙

之鉅鹿呂氏春秋有始覽同淮南又云齊之海隅申池在海隅國語越語西至於姑蔑

東方爲田南方爲司馬西方爲理北方爲司空中央爲都鬼北也伏方北方也春路東方道也秋方鮮方遷方西方也

四方見淮南天文訓春秋繁露五行相生篇西方司徒北方司寇與淮南小異易旣濟高宗伐鬼方尚書大傳便在伏物史記五帝紀居北方索隱引尸子北方者伏方也文選張衡東京賦飛雲龍於春路屯神虎於秋方御覽時序部引書大傳西方者鮮方也白虎通義五行篇西方者遷方也

天子所居州界夏曰縣殷曰畿周亦曰畿畿內謂之寰內

禮記王制篇天子之縣內周禮大司徒制其畿疆而溝封之職方氏方千里曰王畿大行人邦畿方千里

圻與畿同左傳昭卅三年今土數圻周書職方解方千里曰王圻穀梁隱元年傳寰內諸侯

五十里近郊百里遠郊二百里甸三百里削四百里縣  
五百里都甸王田也遠郊上公五十里侯伯三十里子  
男十里近郊各半之

周禮載師任近郊之地任遠郊之地大宰六曰邦都之賦司會掌國之官府郊野縣都之百物財用國語周語邦內甸服甸禮肆師與祝侯禘于

臺及郊儀禮聘禮及郊賓至于近郊

諸侯曰境大曰邦小曰國邦之所居亦曰國國城中也  
腴小國也國曰固野曰險四垂曰宇所踐之界曰履立  
封界謂之捷

路史國名紀注引書大傳諸侯曰境周禮大宰以佐王治邦國司士掌國中之士治士師三曰國禁修閭

氏掌比國中宿互樣者儀禮鄉射禮記君國中射禮  
記曲禮篇入國而問俗書大誥篇殷小腆誕敢紀其  
緒周禮夏官序官掌固左傳昭四年失其守宇僖四  
年賜我先君履漢書賈誼傳淮揚包陳以南建之  
九州之內曰赤縣

穀梁桓五年傳在乎冀州詩北山篇率土之  
濱毛傳濱涯也孔疏引鄒子中國名赤縣

閭二十五家族百家黨五百家州二千五百家鄉萬  
千五百家

周禮大司徒令五家爲比五比爲閭四閭爲族五族  
爲黨五黨爲州五州爲鄉閭胥各掌其閭之徵令族  
師各掌其族之戒令政事黨正各掌其黨之政令教  
治州長各掌其州之教治政令之灋鄉大夫之職各  
掌其鄉之  
政教禁令

一十五家爲里百家爲鄣五百家爲鄙二千五百家爲

縣萬二千五百家爲遂

詩將仲子篇無踰我里禮記郊特牲篇單出里周禮宰夫掌治漚以考百官府羣都縣鄙之治遂人五鄰爲里四里爲鄣五鄣爲鄙五鄙爲縣五縣爲遂呂氏春秋季秋紀制百縣高誘注作四里爲攢五鄣爲鄙縣遂同

晦百爲夫夫三爲屋屋三爲井井十爲通通十爲成十成爲終十終爲同

司馬法見周禮少司徒鄭注

五家爲軌十軌爲里四里爲連十連爲鄉五家爲軌六軌爲邑十邑爲率十率爲鄉

見管子小匡篇及國語齊語

城郭之邑曰都都之所居曰鄙邊邑亦曰鄙二十五家爲社小於鄉曰聚聚居曰陬小城曰保亦曰塢

詩都人士篇彼都人士周禮大宰以八則治都鄙左傳莊廿六年羣公子皆鄙昭廿五年請致千社哀十五年書社五百史記秦本紀并諸小鄉聚後漢書光武紀與其帥王鳳陳牧西擊長聚文選左思魏都賦蠻陬夷落禮記月令篇四鄙入保後漢書馬援傳繕城郭起塢候

一井爲疇百畝爲頃二十五畝爲小畦五十畝爲大畦三十畝爲畹十二畝亦爲畹古百步爲晦漢時二百四十步爲晦

孟子易其田疇公年宣十五年傳什一者天下之中正也何休注凡爲田一頃十二畝半孟子病於夏畦文選左思魏都賦下畹高堂楚辭離騷余旣滋蘭之九畹兮漢書食貨志故晦五頃

壘上曰畝壘中曰畝畝上曰伐隴謂之陔大曰隄小曰  
塍稻田塍埒謂之桑塍分界謂之陌埒中曰畦畦埒謂  
之列亦謂之場亦謂之畛亦謂之町竝畔爲疇麻地爲  
疇井田間道謂之畷通溝漑田謂之陂田側謂之培殘  
田謂之畷亦謂之疇

國語周語或在畝畝莊子讓王篇居於畝畝之中周  
禮考工記匠人一耦之伐廣尺深尺謂之畝東哲補  
以詩序南陔孝子相戒以養也文選左思蜀都賦峻  
岨塍列長城爾雅釋耶如桑者桑耶楚辭九思憫上  
篇率彼吟吟陌莊子天地篇方將爲圃畦周禮稻人  
以列舍水詩南山篇疆場翼翼載芟篇徂隰徂畛莊  
子人間世篇彼且爲無町畦左傳襄卅年取我田疇  
而伍之國語周語田疇荒蕪史記天官書視封疆田  
疇之正治說苑辨物篇疇也者何也所以爲麻也周  
禮大宗伯以禘辜祭四方百物鄭注饗農及郵表畷

拾雅

卷十九

七

禽獸音書音義第四十五卷通溝澆田亦為膠呂氏  
春秋辨土篇高培則拔說文田部引詩曰天方薦囷  
論語千乘之國馬注  
三百一十六里有崎

徑容牛馬畛容大車涂容乘車一軌道容二軌路容三軌

周禮遂人  
凡治野

東西為陌為廣為橫為緯為營南北為阡為運為從為經為徑為輪為表

史記秦本紀開阡陌國語越語廣運百里文選張衡  
西京賦量徑輪考廣袤詩南山篇橫從其畝史記蘇  
秦傳橫人者大戴禮易本命篇東西為緯南北為經  
楚辭九歎怨思篇經營原野周禮大司徒周知九州  
之地域廣輪之數儀禮既夕記廣尺輪二尺禮記檀  
弓篇廣輪揜坎後漢書光武紀園陵廣表無慮所用



土衍沃曰息下平曰衍有漑曰沃無塊曰壤有膏肥曰墳自長息無限曰息壤黏土曰埴小疏曰黎澆薄曰耗土亦曰瘠亦曰塉塉塉不生五穀曰不毛鹹土曰鹵亦曰斥亦曰潟粉解曰勃壤輕脆曰輕𦵏強堅曰疆𦵏駢剛赤土也赤緹縹土也塼黃黑土也塋白土也璞賴塊也鬱栖糞壤也

大戴禮易本命篇息土之人美耗土之人醜周禮大司徒辨其山林川澤丘陵墳衍原隰之名物左傳襄廿五年井衍沃國語周語猶其有原隰衍沃也書禹貢篇厥土惟白壤厥土黑墳山海經海內經鯀竊帝之息壤以堙洪水史記夏本紀其土赤埴墳書禹貢篇厥土青黎國語魯語擇瘠土而處之後漢書陳寔傳土地埴塉公羊宣十二年傳錫之不毛之地易說卦傳爲剛鹵書禹貢篇海濱廣斥周禮草人駢剛用

午赤緹用羊陂渴用貍緇蛄蛄蛄漢情繡難志勃壤  
用狐疆槩用黃輕輿用火疆槩單言之亦曰疆禮記  
月令篇可以用美土疆楚辭九歎思古篇倚墻阪穀  
梁莊廿三年傳天子諸侯勦聖國語吳語王寐疇枕  
王以璞而去之漢書賈山傳會不得逢穎  
蔽冢而託葬焉莊子至樂篇陵鳥得鬱栖

籍籍田也隰新發田也不爲隺者曰縵田田廢生草曰萊在田曰疆在邑曰里

禮記祭義篇天子爲籍千畝詩載芟篇徂隰徂畛漢書食貨志一歲之收常過縷田畝一斛以上詩楚茨序田萊多荒公羊宣十五年傳什一行而頌聲作矣何休注在田曰疆在邑曰里

治稼穡曰場樹果蔬菜蔬曰圃秋冬曰場春夏曰圃樊  
圃謂之園

荀子大略篇大夫不爲場圃周禮大宰二曰園圃毓  
草木禮記射義篇孔子射於矍相之圃論語請學爲

圖詩七月篇九月築場圃周禮載師以場圃任園地  
左傳隱十一年齊於社園哀十五年舍於孔氏之外  
圃

梁駟天子之園也天子園方百里公侯十里伯七里子  
男五里園苑也所以域養鳥獸也有牆曰苑無牆曰園  
大曰苑小曰園

梁駟見賈子禮篇公羊成十八年傳有園矣周禮地  
官序官園人詩靈臺篇王在靈園國策西周策周君  
反見梁園而樂之也淮南本經訓侈苑園之大  
呂氏春秋重已篇昔先王之爲苑園園池也

除地曰場亦曰墾聚土曰封封土曰壇壇及壝墉曰墻  
神所依止曰時

國語楚語壇場之所書金縢篇爲三壇同墀禮記祭  
法篇一壇一墀公羊宣十八年傳墀墀哭君成踊何

休注埽地曰墀周禮地官序官封人禮記檀弓篇於是封之崇四尺儀禮聘禮爲壇墀周禮封人掌設王之社壇史記秦本紀祠上帝西時

夷庚要道也從道旁也房四表之道也棧道閣道也街攜也離也四出之路攜離而別也

左傳成十八年今將崇諸侯之姦而披其地以塞夷庚莊子至樂篇從然以天地爲春秋古微書引書運期授房四表之道也史記高祖本紀去輒燒絕棧道攜離見御覽引風俗通

耶陵爲牡谿谷爲牝

見大戴禮易本命篇及淮南墜形訓

四面積高曰雍曲隈亦曰壅穿地曰竈鑿地曰穴大穴曰土囊土穴曰甌脫坳坎曰甌夷坎中小坎曰窩

漢書地理志郡雍漆史記司馬相如傳批巖衝壅周  
禮小宗伯卜葬兆甫葬亦如之詩縣篇陶復陶穴文  
選宋玉風賦盛怒於土囊之口史記匈奴傳爲區脫  
漢書蘇武傳語武區脫捕得雲中生口服虔注區脫  
土室胡兒所作以候漢者是區脫卽區脫矣荀子大  
略篇流丸止於區與說文穴部引易曰入于坎窞

沙上曰幕亦曰磧險阻曰塞邊地曰裔遠方曰鬼方  
史記匈奴傳益北絕幕後漢書光武紀幕南地空李  
賢注幕卽今磧也漢與幕通竇憲傳經磧鹵絕大漠  
呂氏春秋有始篇山有九塞方言  
裔夷狄之總名詩蕩篇覃及鬼方

### 火井鹽井也

文選左思蜀都賦  
火井沈瑩於幽泉

### 夏中國也諸夏諸侯也

漢書禮樂志此之謂夏聲公羊成  
十五年傳春秋內其國而外諸夏

要塞邊城要害處也夷服鎮服蕃服謂之四塞

禮記月令篇完要塞明  
堂位篇四塞世告至

邊境亭障曰微微塞也東北謂之塞西南謂之徼

史記隸布傳守徼乘塞司馬相如傳南至  
梓柯爲徼漢書鄧通傳盜出徼外鑄錢

夷者觥也畎夷于夷方夷黃夷白夷赤夷元夷風夷陽  
夷謂之九夷一曰元菟樂浪高驪滿飾崑與索家東屠  
倭人天鄙爲九也蠻者緡也慢也別名曰閩天竺咳首  
焦僥跂踵穿胃僭耳狗軹旁春謂之八蠻戎者凶也別  
名曰髦僥夷戎夷老白耆羗鼻息天剛謂之六戎狄者  
辟也月支穢貊匈奴單于白屋謂之五狄

禮記王制篇東方曰夷南方曰蠻西方曰狄北方曰獫狁雅釋地九夷八蠻七戎六狄謂之四海詩角弓篇如蠻如髦案四夷名目禮記爾雅兩疏竝據風俗通義爲說而今本風俗通中脫去此條矣

蓬顆小豕也瑾路豕也蟻豕謂之坻亦謂之埵亦謂之

暑孔

漢書賈山傳曾不得蓬顆蔽豕而託葬焉詩小弁篇尙或瑾之易略例隆墀永歎陸德明釋文畔本又作坻詩東山篇鸛鳴于埵孟子泰山之於耶埵莊子秋水篇不似暑孔之在大澤乎

禽獸所踐處曰噉

說文田部引詩曰町噉鹿場

爽塏高明也輶輶路輶曲也

文選張衡西京賦處甘泉之爽塏李善注引左傳請更諸爽塏管子地圖篇凡兵主者必先審知地圖輶

牙  
險之

地神曰示始耕田者曰田祖主道路行作曰行亦曰祖  
土神曰夷羊草澤之神曰方良亦曰罔兩亦曰委蛇水  
汙之神曰漏東北方之神曰倍阿西北方之神曰洸陽  
野之神曰方皇神怪曰清商

周禮大宗伯掌建邦之天神地示人鬼之禮大司樂  
及土示祗與示通國語魯語及百辟神祗周禮篇章  
凡國祈年于田祖禮記祭法篇曰國行史記五宗世  
家榮行祖於江陵北陵淮南本經訓夷羊在牧文選  
張衡東京賦腦方良周禮方相氏毆方良莊子達生  
篇沈有履陸德明釋文履司馬本作漏達生篇又云  
東北方之下者倍阿鮭壘躍之西北方之下者則洸  
陽處之野有方皇澤有委蛇陸德明釋文方皇本亦  
作彷徨管子地員篇  
其下清商不可得泉



釋邛

虛邛也雕邛類

易升升虛邑墟與虛同呂氏春秋貴直篇使人之朝  
爲革而國爲墟水經汾水篇阜長四五里廣二里餘  
高十丈汾水歷其陰西  
入河漢書謂之汾陰雕

積土高大曰阜阜者茂也

積土高大見北堂書鈔引韓  
詩阜茂見風俗通義山澤篇

堙土山也斷而高者曰龍斷

左傳襄六年堙之公羊宣十五年傳宋華  
元亦乘堙而觀之孟子必求龍斷而登之

陵冢爲山

漢書地理志非  
獨爲奉山園也

釋山

嶽換也換功德也

見白虎通  
義巡狩篇

太岳謂之霍太山太行謂之五行苗山謂之會稽醫無  
閭一曰於微閭

書禹貢篇至于岳陽淮南汜論訓武王克殷欲築宮  
於五行之山史記夏本紀或云禹會諸侯江南計功  
而崩命曰會稽集解引皇覽會稽山本名苗山又引  
越傳禹到大越上苗山大會計因更名苗山曰會稽  
案越絕書紀地傳苗山作茅山吳越春秋越王  
無余外傳同楚辭遠遊篇夕始臨乎於微閭

大行轅轅崦澠謂之三塗太一謂之終南亦謂之中南  
亦謂之終隆砥柱謂之三門嶧冢謂之鮒嵎苞山謂之

夫椒亦謂之洞庭蒼梧謂之九疑崑崙謂之鍾山亦謂之玉巒元圃謂之平圃

水經伊水篇伊水歷崖口山峽也酈道元注引春秋昭公四年司馬侯曰四嶽三塗漢書地理志扶風武功縣有太一山古文以爲終南左傳昭四年中南九州之險也淮南俶眞訓孟門終隆之山不能禁水經河水篇又東過砥柱間酈注三穿既決水流疎分亦謂之三門矣沔水篇酈注引尚書曰嶓冢導漾東流爲漢山海經所謂漢出鰾嶧山也又云湖有苞山春秋謂之夫椒山山有洞室入地潛行俗謂之洞庭山海經海內南經蒼梧之山嶷與疑同經又云蒼梧之淵其中有九嶷淮南俶眞訓譬若鍾山之玉楚辭九思守志篇陟玉巒兮逍遙山海經西山經槐江之山實維帝之平圃

### 山之高聳者曰巒

漢書司馬相如傳夷巒築堂

山曲曰阿亦曰隈阪曰陲亦曰坻大坂曰阬邪道曰窊  
崑山旁曰岬山旁穴曰窟山足曰崑亦曰陬谷中險道  
曰隊山岸傍欲墮者曰陲岸崩曰沮

楚辭九歌少司命篇晞女髮兮陽之阿後漢書班彪傳商洛緜其隈周禮考工記總目則於馬終古登陲也斬人及其登陲文選司馬相如上林賦下磧歷之坻揚雄羽獵賦迴轡阬甘泉賦登降剌崑左思吳都賦倒岬岫張衡南都賦潛窟洞出太元增上九賴彼峽岬文選束皙補亡詩白華篇在陵之陬穆天子傳於是得絕鉅山之隊漢書揚雄傳嶠若陲隤左傳莊十一年若沮岸崩山

礬大石也旁唐文石也錯鍛厥石也礪諸攻玉之石也  
礬石楚謂之涅石秦謂之羽涅石解散謂之泐

文選木華海賦竭礬石栖百靈漢書司馬相如傳琅玕玉旁唐詩鶴鳴篇可以爲鐸公劉篇取厲取鍛荀子

大略篇和之璧井里之厥也淮南說山訓玉待磻諸  
而成器俶眞訓今以涅染紫則黑於涅山海經西山  
經女牀之山其陰多石涅周禮考工記總目石有時以泐

龍嵒磔磔簪崆峴嶠嶢嶢崢嶸魁堆巉嶮礧  
礧堯薛嶺薛岩嶺屹崿崛吻高峻也崔嵬鬼疑駭駭高  
大也塘岷廣大也砵磷鬱律深峻也靖嶰深直也岭嶂  
嶙峋深邃也嶄巖嶺岼尖銳也岑崑嶽岑碣嶻嶭危  
險也崛崎斗絕也屹嶕斷絕也

史記司馬相如傳崇山巖嵒峩磳磳漢書揚雄傳  
玉石巖崑崙與崑同文選張衡南都賦幽谷巖岑又  
云崑崙崑崙後漢書班彪傳內則別風之嶕嶢張衡  
傳蹈玉階之嶕嶢馬融傳崑崙崑崙錯崔楚辭九歎遠逝  
篇陵魁堆以蔽視兮文選張衡西京賦棧齟嶸嶮嶮左  
思魏都賦恒碣磳磳於高霄抗旗亭之巖薛司馬相

言

山神曰臬楊一曰贛巨人北山神曰燭龍崑崙眾神曰

靈  
園

楚辭哀時命篇使皋楊先導兮陽與楊通淮南記論  
訓山出皋陽說文解字又作皋羊贛巨人見山海經  
後漢書張衡傳速燭龍令執炬  
兮楚辭遠遊篇悉靈園而來謁

### 釋水

洛陽謂之三河河南河東河內也涇渭汧謂之三川涇  
濁水也

文選後漢書光武紀贊三河未澄水經沁水又東過  
懷縣之北鄒注春秋時赤翟伐晉圉懷是也王莽以  
爲河內舊三河之地矣淮南俶眞  
訓三川涇詩谷風篇涇以渭濁

孟津謂之盟津漯水謂之武水潯水謂之鄆水漳水謂  
之潞水漢上謂之沔漢水謂之夏夏水之首江之沱也  
亦謂之滄浪下沔水會于江謂之夏沔

水經河水篇又東至鄧湛水從北來注之鄧注引論衡武王伐紂八百諸侯咸同此盟故曰孟津亦曰盟津河水篇又云又有漯水出焉鄧注戴延之謂之武水也又潛水篇潛水出鄭縣西北平地鄧注詩所謂潛與洧者也世亦謂之爲鄧水也秦秋故館國鄧之計曰館水之池水出鄧水相融秦秋故館國鄧之計曰館水之池水出鄧水相融若出館水之池水出鄧水相融若出館水之池水出鄧水相融嬌補學說又濁漳水篇又東北過屯雷縣南路縣北鄧注閼駟曰有潞水爲冀州境卽漳水也書禹貢篇逾于河左傳昭十三年王治夏水經夏水篇夏水出江津於江陵縣東鄧注江津豫章口東有中夏口是夏水之首又云又東至江夏雲杜縣入于沔鄧注引鄭元注尙書滄浪之水言今謂之夏水又引左傳吳伐楚沈尹射奔命夏內杜預注漢水曲入江卽夏口矣

湖者都也洞庭地穴也隔洮射貴及太湖爲五湖

湖都見白虎通義山澤篇山海經海內東經湘水入洞庭下後漢書馮衍傳沈孫武於五湖今李賢注引



虞翻曰隔湖洮湖射湖黃湖及太湖爲五湖水經水篇注洮湖作長蕩湖隔湖作瀾湖案說者多以五湖爲具區邵氏二雲爾雅正義引周禮職方其澤數曰具區其浸五湖分具區爲二其說良允故特標五湖之名

白河入沛自沛入淮自淮達江水徑周通故曰四瀆

水經河水篇又東北過荏平縣酈注

北人名水皆曰河

莊子外物篇自制河以東

黃海青海赤海白海元海五方之海也四溟四海也大冥謂之夏海少海謂之幼海渠弭蒲類裨海也勃澤謂之蒲昌蒲昌謂之鹽澤海旁曰勃斷水曰解海東川曰

尾閭尾閭曰沃焦

五方海見淮南隆形訓文選張協雜詩雨足灑四溟  
呂氏春秋求人箭夏海之窮山海經東山經無臯之  
山南望幼海國語齊語渠弭於有渚彌與弭同管子  
小匡篇渠彌於河渚後漢書班超傳破白山臨犂類  
水經河水篇北流與蔥嶺河合東注蒲昌海鄯注河  
水又東至于渤澤卽經所謂蒲昌海也蒲昌亦有鹽  
澤之稱又引山海經東望渤澤河水之所潛也史記  
高祖本紀北有勃海之利司馬相如傳浮渤海莊子  
秋水篇尾閭泄之不  
知何時已而不虛

水出於山而流入於海者曰經水水別於他水入於大  
水及海者曰枝水

見管子  
度地篇

急水曰湍湍曰瀨怒水曰洑洑流曰潘曰齊曰渦曰澆

復流曰復深淵曰旋淵湊漏之流曰瀆如淵而淺曰淀

### 楚人謂水暴溢曰濳

漢書溝洫志水湍悍難以行平地淮南說山訓稻生於水而不生於湍瀨之水楚辭九歌湘君篇石瀨兮淺淺淮南本經訓抑或怒瀨以揚激波莊子應帝王篇鯢桓之潘爲淵達生篇與齊俱入文選郭璞江賦盤渦谷轉迅復增澆淮南俶真訓湍瀨旋淵呂梁之深管子宙合篇泉踰瀨而不盡文選左思魏都賦掘鯉之淀澹與淀通郭璞江賦梈澹爲渚磴之以濳翼

### 壑曰阬大壑曰污壑可以爲陂灌漑者曰浸

後漢書馬融傳彌綸阬澤淮南原道訓而蹟蹈於污壑陷穽之中周禮職方氏其浸五湖

雖極澤也池澤中曰瀛沛大澤也草棘曰沛亦曰菹小澤曰斥渟水曰洼大曰潢小曰汙深者曰豬南方謂都

爲豬澤之無水者曰沉亦曰莽澤曲曰臯澤濁曰畛挈

詩振鷺篇于陂西雝禮記禮運篇鳳凰麒麟皆在郊  
輒楚辭招魂篇倚沼畦瀛兮遙望博管子揆度篇破  
增藪焚沛澤公羊僖四年傳大陷於沛澤之中孟子  
沛澤多而禽獸至驅蛇龍而放之菹沮與菹通禮記  
王制篇山川沮澤莊子逍遙遊篇斥鴳笑之曰淮南  
覽冥訓澤無注水左傳隱三年潢汙也潢與潢音義  
汙同國語周語猶塞川原而爲潢汙也潢與潢音義  
同大戴禮夏小正篇潢潦生辛書禹貢篇大野既豬  
彭蠡既豬禮記檀弓篇滂其宮而豬焉風俗通義山  
澤篇沉莽也澤之無水斥鹵之類詩鶴鳴篇鶴鳴于  
九臯楚辭離騷篇步余馬於蘭皋兮  
淮南要略篇棄其畛挈其淑靜

流者曰川流滿曰沔下流曰頽逆流曰會流別曰派水  
流不絕曰瀆不流曰奴

國語周語防民之口甚於防川詩沔水篇沔彼流水  
史記河渠書水類以絕商顏書禹貢篇會于渭汭文

選左思吳都賦百川派別爾雅釋水篇注澮  
已讀後漢書光武紀復北擊北山伐盧奴

沸涌出也涌起曰波還者曰濤小水入大水曰朝因水  
入水曰達平地出水曰淫水浸曰漸穴道交通曰達

漢書劉向傳百川沸騰淮南人間訓起波濤文選徐  
排古意訓到長史既登琅邪城詩金溝朝灞澹書禹  
貢篇達于河後漢書和帝紀今茲淫水爲害史記孝  
武本紀治大池漸臺山海經中山經洽水多鰭魚居  
達文選郭璞江  
賦潛達旁通

汗小潦水曰寅小渠曰瀆水實亦曰瀆淺水見沙石曰  
磧礫淤沙曰耦水淤濁曰填開漏澤曰竭澤故水處曰  
渴澤水田曰臯

淮南說林訓寅耶無壑泉源不溥史記屈原賈生傳  
彼尋常之污瀆兮荀子修身篇開其瀆文選左思吳

都賦既其積礫而不窺玉淵者未知驪龍之所蟠也  
呂氏春秋必己篇遇盜於耦沙之中漢書溝洫志注  
填闕之水溉舄鹵之地淮南本經訓竭澤而漁周禮  
草人渴澤用鹿文選潘岳秋興賦耕東臯之沃壤兮  
水黑曰冥亦曰盧白水曰素水赤水曰丹水

莊子逍遙遊篇北冥有魚水經瀧水篇又東過唐縣  
南酈注余案盧奴城內西北隅有水淵而不流水色  
正黑水黑曰盧不流曰奴故城地藉水以取名矣楚  
辭哀時命篇含素水而蒙深兮惜誓篇涉丹水而馳  
兮

凍冰也水凝曰冰冰流曰澌木冰一曰介亦曰閒樹

楚辭招魂篇挫糟凍飲論衡論死篇水凝爲冰晉書  
音義一百五澌流冰也隋書五行志木冰一曰介介  
者兵之象也漢書  
劉向傳雨木冰

濟渡曰津浮水曰游

論語使子路問津焉列子  
黃帝篇能游者可教也

無水曰隍隍謂之闔有水曰池畜水曰陂陂障也壅也  
防謂之障隄謂之雍唐城隄也所以制水曰渠堰所以  
壅水曰閼

易泰城復于隍管子度地篇郭外爲之土闔國語周  
語陂塘汗庫以鍾其美書秦誓篇惟宮室臺榭陂池  
侈服詩澤陂篇彼澤之陂國語吳語陂漢以象帝舜  
周語是障之也周禮秋官序官雍氏淮南主術訓若  
發城決唐荀子非相篇府然者渠堰槩枯之於已也  
堰與堰通文選沈約三月三日詩東出千金堰漢書  
召信臣傳起  
水門提閼

岸謂之坻亦謂之浦亦謂之沚高岸夾水曰厠岸曲而  
有稜曰句廉岸側空處曰厠

文選張衡南都賦坂坻嶺嶺而成廡呂氏春秋召類  
篇堯戰於丹水之蒲漢書揚雄傳跼魂負診史記張  
釋之傳屈北臨廟漢書趙充國傳入鮮水北  
句廉上文選郭璞江賦猿獼跋踖平廢空

水畔曰干水隰曰潏水旁曰沙隰陂曰泮水際平曰汀

水埒曰埒水南曰陰水內曰內隊內也

易漸鴻漸于干詩葛藟篇在河之滸鳧篇鳧鷖在  
沙眠篇隰則有泮文選謝靈運登臨海嶠詩汀曲舟  
已隱淮南齊俗訓狙貉得埒防弗去而綠水經汴水  
篇又東南過其縣南郡注引左傳襄九年濟于陰坂  
次于陰口而還書禹貢篇涇屬渭汴左傳莊四年且  
請爲會於漢汴而還閔二年虢公敗犬戎於渭汴服  
虔注作  
渭隊

溜水流也防脈理也

文選嵇康琴賦據神淵而吐溜  
周禮考工記匠人凡溝逆地防



文選張衡南都賦漢遼獨臻淮南汜論訓  
牛蹶之涖淮南說山訓人莫鑑於沫雨

水中山曰島水中之洲曰隄水中高地曰泚亦曰峙土

壅曰狀

史記司馬相如傳自陵別島漢書作鴈與島同文選張衡西京賦長風激於別隄詩蒹葭篇宛在水中沚坻與沚同甫田篇如坻如京驛又與坻通易略例隆暉禾歎西京賦又云聚似京峙史記天官書川塞谿

胡蘇潺湲洩洩瀉溢流也澶湫潭沍安流也澗汨滌澗  
澗淪沒滑澆湑淒荆汨減瀉汨沍迭疾流也消泐峻波  
也渟渟渚瀑瀲灕汙滌渠水沸也澎湃砰汭輶輶漚



沱湖漣泉潯樞閘澗淪登瀛汪洗廣混困沚沚沚沚  
源潯鄰國潯近淪涼瀼嵇康琴賦潯汨彭拜南都賦  
又云潯盧洞出沒骨潯潯左思蜀都賦龍池潯潯  
其限張衡思元賦水沚沚而湧潯枚乘七發所溫沚  
者馬融長笛賦潯潯潯潯潯潯潯潯潯潯潯潯潯  
賦潯潯潯潯潯潯潯潯潯潯潯潯潯潯潯潯潯潯  
今後漢書張衡傳潯潯潯潯潯潯潯潯潯潯潯潯  
異促鱗之遊江潯江賦又云鼓厝厝以潯潯山海經  
西山經東望初澤河水所潯也其  
源潯潯潯潯潯潯潯潯潯潯潯潯潯潯潯潯潯潯

水方折有玉員折有珠

見淮南陸形訓山海經南山  
經英水多白玉郭注引尸子

閼雨海若無夷天吳禺强水神也

左傳宣三年越楚閼雨楚辭遠遊篇令海若舞焉夷  
莊子秋水篇向若而歎曰穆天子傳河伯無夷之所  
都居山海經海外東經朝陽之谷神曰天吳是爲水  
伯列子湯問篇乃命禺强使巨鼈十五舉首而戴之

拾雅卷第十九終

拾雅卷第二十

高郵夏味堂述

拾遺釋十

釋草

粢六穀也梁好粟也芒種麥稻也穡禾也渠瑞禾也大  
麥旋麥也稱擇麥也苴麻子也萁豆莖也稻曰白黍曰  
黑

粢與粱通周禮肆師表粢盛告潔小宗伯辨六粢之名物鄭注六粢謂黍稷稻粱麥苴漢書食貨志食必粱肉周禮稻人種之芒種呂氏春秋審時篇疎穡而穗大史記司馬相如傳渠一莖六穗於庖呂氏春秋任地篇孟夏之昔殺三葉而穫大麥楚辭招魂篇稻粱稱麥詩七月篇九月叔苴儀禮喪服傳苴經杖左

傳襄十七年苴經帶杖漢書楊惲傳種一頃豆落而爲其周禮籩人白黑

紺臬也縗臬屬

荀子正論篇菲對屨楊倞注對當爲紺說文衣部裴縗也詩曰衣錦褰衣

薺亭歷靡草也

禮記月令篇靡草死

文無當歸也離草勺藥也辛怡亦曰芍藥

古今注相招召贈之以文無詩漆汭篇贈之以勺藥山海經北山經繡山其草多芍藥

苴公明草也

史記周本紀衛康叔封布茲索隱茲一作苴

卷耳璫草爵耳

詩卷  
耳序

蓂楚羊腸羊桃

詩集有  
蓂楚序

芡蘭蘿摩雀瓢

詩文補篇  
芡蘭之文

茆水葵蓴菜駝躡屏風

詩泮水薄采其茆楚  
辭招魂篇紫莖屏風

藁蓴耳蒼耳藁耳檀菜

列子楊朱篇甘藁莖淮  
南覽冥篇位賤尙菜

柘蓀蔗諸柘甘柘雞頭雞靡

合佳

卷二十一

二

牙

楚辭招魂篇有栢漿些漢書司馬相如傳請初巴且莊子徐無鬼篇雞應也

篁叢生竹一曰竹田也竹皮曰箨竹青曰幹亦曰密亦

曰箴亦曰箨亦曰筠竹溝曰谷竹行曰笱

漢書嚴助傳篁竹之中史記樂毅傳植於汶篁文選謝靈運經湖中瞻眺詩初篁苞綠箨儀禮士喪禮繫用幹鄭注幹竹密也書顧命篇敷重篴席儀禮既夕禮燕器杖笠嬰鄭注笠竹箨蓋也禮記禮器篇如竹箭之有筠也筠與筠通書顧命篇敷重筍席鄭注析竹青皮引禮器文作筍則筍卽筠矣漢書律厯志黃帝使伶倫自昆侖之陰取竹之解谷爾雅釋草仲無笱說文竹部笱竹列也

王瓜王菩

呂氏春秋孟夏紀王菩生禮記月令篇王瓜生鄭注引今月令夏小正竝作王蕢蕢與菩通

蹲鴟大芋也芋魁芋根也



文選左思蜀都賦蹲鴟所伏跋與蹲通史記貨殖傳  
汶山之下沃野下有跋鴟後漢書許楊傳字我字魁

昌蒲其根曰昌本昌蒲菹曰昌歠

周禮醢人朝事之豆其實昌本昌  
本麋齏左傳僖卅年饗有昌歠

豕零豕囊豬苓也車前陵舄也萊藜雞蘇也

莊子徐無鬼篇豕零也至樂篇生於陵屯則爲陵舄  
齊民要術引詩義疏萊藜也今兗州人蒸以爲茹謂  
之萊蒸譙沛人  
謂雞蘇爲萊

忘憂誼草也新雉辛夷也一曰辛引一曰畱夷

文選謝惠連西陵遇風詩無萱將如何李善注萱與  
誼通引韓詩章句焉得誼草毛詩作諼草爾雅釋訓  
菱諼忘也陸德明釋文作菱草說文艸部作蕙艸文  
選揚雄甘泉賦列新雉於林薄李善注引本草辛夷  
一名辛引司馬相如  
上林賦雜以畱夷

芷蔴也蘭槐蘭蔴也葍蔴也若杜也鬱鬱金若蘭也揭  
車撚枝草荔荃芭射干胡繩薩秦香草也芎窮江薩也  
藁本畢也一曰藁芡一曰麋蕪

漢書司馬相如傳衡蘭芷若荀子勸學篇蘭槐之根  
是爲芷蔴與芷通山海經中山經棘山其草多葍文  
選傳毅舞賦微風揮若芳周禮春官鬱人鬱鬱  
鬯楚辭離騷篇畦畱夷與揭車兮九歎惜賢篇采撚  
枝於中州王逸注引相如賦枇杷檣沛其字從木郭  
璞云撚支木也山海經西山經小華之山其草有草  
荔楚辭離騷篇荃不揆予之中情兮九歌禮魂篇傳  
芭兮代舞九歎愍命篇掘荃蕙與射干兮離騷篇索  
胡繩之纒纒文選郭璞江賦繁蔚芳薩宋玉風賦離  
秦衡史記司馬相如傳芎窮昌蒲楚辭九思憫上篇  
藁本兮萎落荀子正論篇載翠芷以養鼻楊倞注等  
讀爲藁卽蘭蔴本也史記司馬相如傳藁本射干江  
離麋

燕

綬廉薑也茈薑子薑也

儀禮既夕禮記茵箸用茶實綬澤焉  
文選司馬相如上林賦茈薑蓂荷

蒲深蒲合蒲蒲謂之萃

詩韓奕篇維筍及蒲禮記明堂位篇周以蒲勺書顧  
命篇敷重篋席王肅注篋席纖弱萃席蓋蒲席也

蒲本在水中曰弱篋纖弱也

周禮考工記輪人故竝其幅  
廣以爲之弱纖弱詳上注

深蒲桑耳也茹蘆牛蔓也龍修龍須也觚蘆扈魯也

周禮醯人深蒲醢醢詩東門之墀篇茹蘆在阪山海  
經中山經買起之山其中多龍修漢書司馬相如傳

蓮藕  
觚蘆

推茺蔚也萋王負也菽烏服也藟巨荒推臬也菹土茹

也

詩中谷有蕓七月篇四月秀蕓葛生篇薇蔓于野易困困于葛藟文選左思蜀都賦樊以蕓圃

薦寄生也亦曰根生無花葉而生者曰芝栢落地衣也

水中曰魚衣

詩類升篇薦與女蘿文選張衡思元賦桑末寄夫根生兮禮記內則篇芝栢管子地員篇五蕓之狀黑土黑落筓與落同周禮醢人筓苴鴈醢

處芑苧蔣苞蘼莎蘋葳葭巴且巴蕉

齊民要術引詩義疏處青州謂之芑管子小匡篇首載苧蒲禮記曲禮篇苞履淮南覽冥訓路無莎蘋漢書司馬相如傳諸柘巴且

茶荏苳也蒿苗亦謂之荏苳

詩鴟鴞篇子所摛茶淮

南說林訓蒿苗類絮

### 鬱西

管子地員篇

葉下於攀

麋草也桑穀野草也菽藟小草也扶匐藤也紫脫瑞草也薦梅草實也蔡毒草也

太元去次五據其衣之庭有麋說苑君道篇桑穀野草也楚辭怨上篇菽藟今曼衍文選左思吳都賦東風扶匐王融曲水詩序紫脫華朱英秀淮南覽冥訓食薦梅文選左思魏都賦蔡葵螫刺

先種曰植後種曰穉穉勿稼也先種後孰謂之植後種先孰謂之穉孰穫曰稔生穫曰穉野生曰旅

詩閟宮篇植穉菽麥稚與穉通書考靈曜百穀稚熟鄭注晚熟曰稚周禮內宰詔王后帥六宮之人而生

種稂之種重穆與種稂通詩七月篇黍稷重穆禮記  
 內則篇稱稂史記天官書主葆旅事稂與旅通後漢  
 書光武紀至是野穀旅生李賢注不因播種而生故  
 曰旅今字書作稂稂久與稂同獻帝紀自出採稻  
 苕帚謂之苕亦謂之厲

周禮戎右贊牛耳桃列喪祝王弼則與巫前  
 鄭司農注喪祝與巫以桃厲執戈在王前

茂草曰菑亦曰薦藪草曰藪草叢生曰葆草穢塞路曰  
 第草深曰莽亦曰薄冬生草曰宿莽宿草曰陳根草生  
 之再曰荐枯草曰藁亦曰苴腐草曰鬱

淮南本經訓菑榛穢藪將畝後漢書馬融傳其土毛  
 則推木薦草管子入觀篇薦草多衍禮記禮運篇周  
 皇麒麟皆在郊藪漢書武帝五子傳頭如蓬葆國語周  
 語道第不可行也漢書景帝紀或地饒廣薦草莽水  
 泉淮南原道訓隱于榛薄之中楚辭騷篇夕攬中  
 洲之宿莽禮記檀弓篇有宿草而不哭焉爾雅釋言

荇原再也國語擊菓鋤除田楚辭九章悲回風  
篇草苴比而不芳范與苴通管子輕重甲篇請君伐  
蒹葭禮記內則篇  
鳥鵲色而沙鳴鸞

草薪曰蕘乾芻曰芟草中之翹翹曰蕘

左傳昭十三年注芻蕘者書費誓  
篇峙乃芻芟詩漢廣篇言刈其蕘

莖而直曰萌屈生曰句亦曰區戴孚甲而出曰反生草  
生而初達曰倪

禮記月令篇萌者盡達句者畢出樂記篇區萌達易  
說卦傳其於稼也爲反生文選左思吳都賦鬱兮倪  
茂

草根曰荈根衍曰苧橐莖曰莖葉末曰穎花之通名曰  
鋪花朵謂之萼萼榮也莖華也華中齊曰菱華盛曰爾

百末百草華也種子曰實草實曰蒾亦曰裹亦曰菜含

實曰繩

漢書禮樂志根莖以遂逸周書大猷解教芋與樹藝  
漢書東方朔傳以莖撞鐘禮樂志含秀垂穎易說卦  
震爲虋文選左思吳都賦異荇蔕蘋漢書孝武李夫  
人傳兩菱莢以俟風今詩采薇篇彼爾維何漢書禮  
樂志百末旨酒布蘭生詩載芣篇實函斯活易說卦  
傳爲果蒾宋注草實謂之蒾高誘注呂氏春秋仲夏  
紀淮南時則訓並云無核曰蒾義亦大同矣文選郭  
璞江賦濯穎散裹李善注引高唐賦曰綠葉紫裹楚  
辭離騷篇貫薜荔之落藥文選左思蜀都賦敷藥蒾  
蒾劉注藥者或謂之華或謂之實一曰花鬚頭點也  
周禮薤氏秋繩而莖之

生曰苗秀曰禾亦曰穗禾稊曰總實未堅曰皁穀不成

曰秕似穀曰稗陳穀曰秭



公羊莊七年傳無禾詩黍離篇彼稷之穗書禹貢百里賦納總詩大田篇既方既旱後漢書安帝紀稅我王度左傳定十年用稅稗也詩豐年篇萬億及秬

麻幹曰蒸茅根曰茹茅始熟中穰曰蕘

漢書揚雄傳樵蒸烟上易泰拔茅茹黃訓見御覽引風俗通

菜亦曰茹菜始生曰萌

後漢書馬融傳芳茹甘茶周禮占夢乃舍萌于四方

凡地所生謂之毛

穀梁定元年傳毛澤未盡

種穀曰稼收斂曰穡雖本曰籽亦曰蓂

書洪範篇土爰稼穡詩伐檀篇不稼不穡桑柔篇稼穡卒痒嗇與穡同儀禮少牢饋食禮出宰夫以籩受

齊黍詩甫田篇或耘或耔  
左傳昭元年是穰是袁

穀曰穫草不剪曰芴反草曰菑除草曰芟亦曰刈刈草  
曰芻斬芻曰莖芟末曰艾迫地芟草曰薙以足蹋夷草  
曰芟剗除曰刺芟草燒之曰爇

楚辭離騷願埃時乎吾將刈王逸注穀曰穫草曰刈  
列子黃帝篇藉芳燭林易无妄不菑畲詩皇矣篇其  
菑其翳載芟篇載芟載柞國語吳語而又刈山之漢  
書賈山傳芻蕘採薪之人尹翁歸傳使斫莖詩庭燎  
篇夜如何其夜未艾禮記月令篇燒薙行水說文  
部引春秋傳曰芟夷蕞崇之儀禮士相見禮庶人則  
曰刺草之臣詩旱麓篇所燎矣鄭箋乃人燎燎

薑及蔥薤之屬曰葷

儀禮士相見禮膳葷禮  
記玉藻篇有葷桃茢

百草之香築煮合鬱金釀之曰鬯

詩江漢篇秬鬯一鹵竝  
詳白虎通義考黜篇

釋木

梗杞也柘桑也棋枳也杆梧也穀構也枋檀也椿櫟也  
榿柳榆也

文選張衡西京賦梓栝梗楸又樹以柳杞淮南本經  
訓林無柘梓禮記曲禮篇婦人之摯棋枋內則篇芝  
栝蒨棋史記夏本紀維箇籀栝山海經南山經有木  
焉其狀如穀而黑莊子逍遙遊篇我決起而飛捨榆  
枋上古有大椿者詩  
大東篇無浸櫟薪

合昏槿也朝生薜華舜英木堇也

文選陸倕刻漏銘合昏暮卷國策秦策吾危於累卵  
而不壽於朝生詩有女同車篇顏如舜華顏如舜英

枸骨木密也駁馬梓榆也射干鳥翼也櫟拑間也櫟木  
蓼也枵木苦歷木也櫬合華也楨木女貞也

詩南山有臺篇南山有枸晨風篇隰有六駁後漢書  
馮衍傳攢射干雜薜蘿今山海經西山經石脆之山  
其木多櫟漢書司馬相如傳沙棠櫟楮淮南俶真訓  
枵木色青翳史記司馬相如傳華汜櫬櫬山海經東  
山經太山上多楨木

豫章樟木也古謂大木爲章

後漢書王符傳必欲江南櫟梓豫章之木左傳哀  
十六年挾豫章以殺人匡謬正俗古謂大木爲章

楸小橋也小曰橋大曰柚石榴若榴也

漢書司馬相如傳黃甘橙楸書禹貢篇厥包  
橘柚錫貢文選潘岳閒居賦石榴蒲桃之珍

枰平仲也仁頻賓根也

司馬相如上林賦華  
楓梓櫨仁頻并閭

唐棣莫李鬱車下李也木枲榎棗栢軌也芋栗也櫟櫟  
實也櫟柞也亦謂之櫟薺茨阜茨也

詩何彼穠矣篇唐棣之華論語同史記司馬相如傳  
隱夫鬱棣漢書司馬相如傳枲棗楊梅又云櫨梨枲  
枲禮記內則篇芝栢蒨棋列于黃帝篇先誑之曰與  
苦芋後漢書李恂傳拾櫟實以自資詩晨風篇山有  
苞櫟漢書司馬遷傳櫟櫟不斲櫟與櫟通水經河水  
注吳越之間名柞爲櫟采與採同莊子人間世篇見  
櫟社樹陸德明釋文櫟采也  
周禮大司徒其植物宜茨物

松之言容也疎也柏之言迫也槐之言懷也歸也桑之  
言喪也暴桑蒲蘇桑也

公羊文二年傳練主用栗鄭注夏后氏以松殷人以  
栢白虎通義宗廟篇松者所以自疎動周禮朝士面

三槐三公位焉春秋元命苞槐之言歸也儀禮士喪禮鬻筭用桑公羊文二年傳虞主用桑宣六年傳是某時所食活我於暴桑下者也

扶蘇扶胥樸橄小木膏夏大木也

詩山有扶蘇林有樸橄淮南俶真訓膏夏紫芝

黃腸柏木黃心也

後漢中山簡王焉傳發常山鉅鹿涿郡柏黃腸雜木

剛木檀栢之屬柔木桐梓之屬

山海經北山經北嶽之山多剛木詩小弁篇荏苒柔木

林木曰楫特木曰杙聚木曰叢曲木曰撓不可用之木曰散肖翹植物也木長曰格眾樹之虛曰樾楚人謂樹

上大本小如車蓋亦曰越

呂氏春秋明理篇有若山之悌詩杖杜篇有杖之杜淮南傲真訓獸走叢薄之中列子湯問篇竿木繞府子人間世篇散木也眩筵篇肖翹之物文選司馬相如上林賦天矯枝格淮南人間訓武王陰囑人於繼下精神訓德祿越下則脫然而喜矣

根盤錯曰枸桑土桑根也

山海經海內經有木名曰建木百仞無枝有九橰下有九枸詩鴟鴞篇徹彼桑土陸德明釋文引韓詩作桑杜

莖曰彙幹曰枚木理曰枋木末曰杪亦曰標

爾雅謂櫬采薪舍人本謂作彙詩汝墳篇伐其條枚斯干篇如矢斯棘玉篇引韓詩作斯枋後漢書馬融傳蹕越枝杪標端

順曰榘曲枝曰句枉亦曰天矯

淮南齊俗訓披斷撥榘修務訓  
據句枉漢書揚雄傳踔天矯

木生條曰𣎵顛末而肄生曰枿桑榆孽生曰葆

書盤庚篇若顛木之有由藥說文弓部引作𣎵枿木  
部引作𣎵枿馬融注亦作枿竝同史記天官書主葆  
旅事

蒂花本也寔果柢也

文選左思吳都賦抗白  
蒂爾雅棗梨曰寔之

穉楊秀也蔽蒂始生小葉也

易大過枯楊生穉詩甘棠篇蔽  
蒂甘棠我行其野篇蔽蒂其樗

木實曰果果蓏曰華殼核也乾蓏乾梅也亦曰梅諸乾



桃曰桃諸

易說卦傳爲果藏儀禮既夕記不食菜果禮記曲禮  
荀賜果於君前郊特牲篇天子樹瓜華文選張協七  
命剖椰子之殼周禮籩人饋食之遵其實  
棗栗桃乾蓀榛實禮記內則篇桃諸梅諸

有核曰果物實無中核者曰郁

漢書食貨志瓜瓠果藏呂氏春秋古樂篇果實不成  
覈與核通仲夏紀果實早成博志篇果實繁者木必  
庠高誘注並作有覈曰果無  
中核曰郁見論衡量知篇

朴木皮也附木桴也桴木表麤皮也柿札也

文選王褒洞簫賦秋蜩不食枹撲而長吟詩角弓篇  
如塗塗附史記惠景問侯者年表諸侯子弟若肺腑

索隱肺音  
柿臍音附

條直爲材壯大爲朴

楚辭九章懷沙  
篇材朴委積兮

木病曰科。梢枝葉稀疏不均曰爆。爍朽木臭曰腐。彫柯曰穢。枯木曰柴。聚柴曰櫟。柴木擁曰梲。除木曰柞。髡斬之曰蘖。邪斫木曰𣎵。

太元窮次四木科。梢爾雅釋詁。毗劉暴。爍也。周禮內賽牛夜鳴則廋。文選潘岳射雉賦。陳柯槭以改舊。楚辭九歎。愍命篇。樹枳棘與薪柴。家語問禮篇。夏則居棺巢。漢書翟方進傳。薦樹之棘。蕭該音義。薦借以爲梲。字詩載芟篇。載芟載柞。周禮秋官序官。柞氏。漢書貨殖傳。然猶山不斲。蘖師古曰。𣎵古槎字。

交讓對生木也。平露賓連華平瑞木也。扶搖神木也。

文選左思蜀都賦。交讓所植。平露賓連。見白虎通義。封禪篇。文選張衡東京賦。植華平於春圃。莊子在宥篇。將東遊過扶搖之枝。

百果草木皮曰甲根曰宅

易解百果草木皆甲宅

草木有實者曰疏材亦曰疏食

周禮委人凡疏材木材禮記月令篇有能取疏食田獵禽獸者

草木之植曰栽

禮記中庸篇故栽者培之

草木方長未成曰夭草曰零木曰落

國語魯語澤不伐夭楚辭離騷惟草木之零落兮零一作苓

竹曰个木曰枚籬者曰櫨

史記貨殖列傳竹竿萬个文選馬融長笛賦裁已當適便易持

釋蟲

濡需豕蝨也大曰蝨小曰蝨齧牛馬蟲也在牛皮者亦

曰蝨

莊子徐無鬼篇有濡需者國語楚語譬之如牛馬處  
暑之既至蝨蝨之既多爾雅釋蟲蝨蝨各蝨蝨郭璞注  
蝨蝨也陸德明釋文蝨本亦作蝨  
蝨在牛皮者說文蝨或蝨字省

小蛟曰蝨

後漢書崔駰傳  
蝨蝨之趣大沛

狐黎蝨蝨白宿蜻蛉也

爾雅虻蝨負勞郭璞注即蜻蛉也江東呼狐黎方言  
蜻蛉謂之蝨蝨郭璞注蝨蝨一名康蚋淮南齊俗訓  
水蠶為蝨呂氏春秋精論篇每居海  
上從蜻遒高誘注蜻蜻蝨一曰白宿

蚤蝗也蝗謂之騰江東謂之蚱蜢

淮南本經訓飛蚤滿野禮記月令篇百騰時起呂氏春秋同蚱蜢見埤雅引月令章句

帶小蛇也虬謂之曲蟾江東謂之歌女

莊子齊物論篇蟬蛭甘帶周禮考工記梓人御行鄭注蟬衍之屬劉昌宗曰蟬衍或作衍蛭今曲蟾也蛭與蟾同古今注虬蛭一名曲蟾善長吟於地中江東謂之歌女

鮒蝦蟆反舌蝦蟆蟾蟾蟾

易井井谷射鮒禮記月令篇反舌無聲淮南原道訓蟾蟾捕蚤

蝟似蠶朝菌似蠶蛾一日葶母海南謂之蟲邪

爾雅蝟烏蝟韓非子內儲說蠶似蝟淮南道應訓朝菌不知晦朔

蠶土蝻也長尾爲蠶短尾爲蝟

拾雅

卷二十

三

楚辭九思哀歲篇下堂兮見  
董詩都人士篇卷髮如蠶

蛺蝶大如蝙蝠者曰鳳子一曰鬼車

見古  
今注

尼蟲也狸蟲盛肌蚺之屬壤蟲蟲之幼也蟯蟲之微也

孝經開宗明義章仲尼居周禮赤友氏凡隙屋除其  
狸蟲淮南道應訓猶黃鵠與壤蟲也原道訓澤及跂  
蟻

跂行也惴栗無足蟲也螫益也蛻去皮也

跂蟻見上注莊子肱篋篇惴栗之蟲爾雅蟯蛻蛻  
郭注八角螫蟲史記屈原賈生傳蟬蛻於濁穢

釋魚

鯢鯨

列子湯問篇其廣數千里其長稱焉其名爲鯨

### 鯨鯨鯨大魚也

楚辭九懷通路篇鯨鯨兮幽潛後漢書馬融傳魴魴鯨鯨詩敝笱篇其魚魴魴

### 魴魴魴黃頰又謂之魴魴謂之揚

漢書司馬相如傳魴魴魴魴山海經東山經番條之山滅水出焉其中多魴魚魴魴郭璞注一名黃頰又謂之魴詩魚麗篇魴魴

### 禺禺魚牛魴魴魴魴

史記司馬相如傳禺禺魴魴漢書魴魴作魴

### 魴魴魴

山海經北山經敦薨之水其中多赤魴

鯁鵠鵠

詩敝筍篇其魚魴鰭孔穎達正義鰭似魴而頭大徐州人謂之鯁或謂之鰭陸璣疏幽州人謂之鵠鵠

鯁文魚

逸周書王會解鯁鰭利劔爲獻

鯁白鯁鯁白魚小魚曰鯁亦曰鰭

詩潛篇鯁鯁鯁鯁莊子秋水篇鯁魚出游從容淮南覽冥訓不得其道若觀鯁魚史記畱侯世家鯁生

鯁鯁鯁魚

荀子榮辱篇鯁鯁者浮陽之魚也楊涼注鯁當爲鯁

淫魚侶鬲獄

淮南說山訓

淫魚出聽



石決明鰾魚侶蛤蜊大蛤中有珠

後漢書伏湛傳張步遣使隨隆詣關上書獻鰾魚淮南說林訓蜊象之病人之寶也

鮪鯀江豚

晉書夏統傳後作鮪鯀引

龜蜥蜴

漢書五行志蜥化為元龜

毒冒雄也蜚蠊雌也

漢書楊雄傳法靈蠊

蝸小牛螺

莊子在陽篇有所謂蝸者君知之乎

有角曰龍無角曰虬

楚辭離騷驪王虬以乘鸞兮

蛟龍屬乳陵伏淵其卵自孕

淮南秦族訓蛟龍伏寢於淵

有甲蒯胡龜鼈蟬蛤之屬曰互物亦曰𧰨物

鼈人掌取互物掌蜃掌斂互物蜃物鼈人以時籍魚鼈龜蜃凡𧰨物

小蟹有螯偏大者曰擁劔

見古今注又左思吳都賦烏賊擁劔

小魚曰魚婢曰妾魚

爾雅鯀魚郭璞注

魚之大口者曰吳魚腮邊兩鬣曰翼魚脊曰鬐魚腹下曰腴魚食曰餌生魚曰鱖乾魚曰鱖

詩絲衣篇不吳不敖文選宋玉高唐賦振鱗奮翼儀禮士喪禮進鬐士虞禮魚進鬐鬐與鬐同禮記少儀篇夏右鰭冬右腴莊子肱篋篇鈎餌網罟鬐筍之知多周禮庖人冬行鱖羽膳膏羶夏行鴈膳膳膏臊

蛇腹下齟齬曰蚶龜甲曰殼龜甲緣曰冉鼈竅曰醜

莊子齊物論篇吾待蛇蚶蜎翼耶後漢書張衡傳元武縮於殼中今漢書食貨志元龜鼈冉長尺二寸禮記內則篇鼈去醜

鼈鼈魚鼈生育與母分別曰別

荀子王制篇鼈鼈魚鼈鼈孕別之時

龜之爲言久也舊也

見白虎通著龜  
篇論衡卜筮篇

釋鳥

隼鶚鵙大鵬

國語魯語有隼集於陳侯之庭而死漢書鄒陽傳鵙  
鳥衆百不如一鶚雕與鶚同史記李將軍列傳是必  
射雕者也服虔韋  
昭注竝云雕鶚也

鳶鷂

詩四月篇匪鷂匪鳶禮  
記曲禮篇則載鳴鳶

大曰鴻小曰鴈

詩鴻鴈篇鴻鴈于飛左傳  
襄十六年賦鴻鴈之卒章

元鳥鶴一曰陰

文選張衡思元賦子有故於元鳥兮  
逸周書王會解琿上張赤布陰羽

長離鸞也

漢書禮樂志長  
麗前挾光耀明

鷄鷄山雞

水經浪水篇自番禺東歷增城縣注引南  
越志縣多鷄鷄史記司馬相如傳射駿鷄

鵲鵲權欲

公羊昭二十五年  
傳有鵲鵲來巢

伯趙伯勞

左傳昭十七年  
伯趙氏司至

鷄雞鷄鷄屬

穆天子傳  
飛八百里

題肩正齊人謂之擊征或名曰鷹

儀禮大射儀見鵠於參參見鵠於于鄭注然則所云  
正者正也亦鳥名齊魯之間名題肩爲正禮記月令  
篇征鳥  
厲疾

隼鶴

易解公用射隼  
于高墉之上

鷺鷥水鴟

詩鳬鷺篇鳬鷺在涇涇與鷺  
同列子黃帝篇有好涇鳥者

屬玉水鳥似鵠鵠蛸蛸似山雞

後漢書班彪傳天子於是乃登屬玉之館鵠鵠與屬  
玉同文選左思吳都賦鵠鵠鵠鵠蜀都賦蛸蛸山棲

鷺鷥鵝鷺

楚辭大招篇  
雜鷺鷥只

反舌百舌

禮記月令篇反舌無  
聲淮南時則訓同

賓雀老雀

呂氏春秋季秋紀賓雀入  
大水爲蛤淮南時則訓同

冠雀鸛雀

後漢書楊震傳後有冠雀  
銜三鰭魚飛集講堂前

桑飛布母

方言桑飛自關而  
東或謂之女鷗

拾雅

卷二十

大

鴿鴿

詩賓之初筵篇大侯既抗毛傳抗舉也鄭箋舉者舉鴿而棲之於侯也

蕃鷁

山海經北山經涿光之山其鳥多蕃

鴽獨豹

漢書司馬相如傳鴽鷁鴽鴽

鴽雲白

文選左思吳都賦黑鴽零

飛蠅飛鼠

漢書司馬相如傳雌獲飛蠅



鵙鷺鳥鬪至死乃止

文選張衡東京賦武夫戴鵙

東方有鳥曰諫珂南方有鳥曰乾吉

諫珂見說苑辨物篇列女傳仁智篇乾吉食其子不擇肉子常不遂

雙雙之鳥一身二首尾有雌雄隨便而偶

公羊宣五年傳其諸爲其雙雙而俱至者與

少養雉子長而狎人能招野雉曰媒雉媒曰游

文選潘岳射雉賦序暇而習媒翳之事又賦云恐吾游之晏起

三犧雁鷺雉也

左傳昭廿五年爲六畜五牲三犧以奉五味

舉飛也飛而上曰搏一曰搏亦曰頡飛而下曰頡張兩翅曰昊矚失色不澤美也

呂氏春秋論威篇兔起鳧舉莊子逍遙遊篇搏扶搖而上者九萬里司馬注徒端反崔注音搏詩燕燕篇頡之頡之旃與頡通漢書揚雄傳魚頡而鳥旃爾雅釋獸鳥曰昊周禮內饗鳥矚色而沙鳴狸禮記內則篇作庶色庶與矚同

鶴鳴曰唳雄雉聲曰雉雌雉聲曰鷺鳥食聲曰啁喋小

鳥曰啁噍

晉書音義列傳第二十四唳鶴鳴也文選鮑昭鍾賦唳清響於丹墀詩小弁篇雉之朝雉匏有苦葉篇有鷺雉鳴史記司馬相如傳啁喋菁藻文選上林賦李善注水鳥食謂之噍與啁同呂氏春秋求人篇啁噍巢於林

在樹曰巢室族巢也室穴也鳥所止宿曰棲

家語問禮篇夏則居榑巢詩鴉鴉篇無毀我室周禮秋官序官哲族氏大戴禮夏小正篇來降燕乃睇傳曰睇眄也眄者視可爲室者也百鳥皆曰巢室穴也史記吳太伯世家棲於會稽

交接曰尾卵生曰琢未孚曰卵以氣剖卵曰嫗嫗伏曰孚

書堯典鳥獸華尾文選曹大家東征賦諒不登櫟而栳蠹兮李善注栳與栳古字通國語魯語翼轂卵淮南原道訓羽者嫗伏大戴禮夏小正篇雞桴桴與孚通

鳥子欲出曰殼卵不成鳥曰般亦曰殭殭裂也

莊子齊物論篇其以爲異於數音淮南原道訓鳥卵不般禮記棗記篇卵生者不殭

踃踃大雀容也聾聾驚鳥飛疾羽聲也振振羣飛也甄

甄小鳥飛也獠驚飛也

文選張衡西京賦大雀跋跋爾雅鷹隼醜其飛也聲詩有駉篇振振鷖楚辭九思悼亂篇鶉鴝兮甄甄禮記禮運篇故鳥不獠

翰毛也頭下毛曰翁喙曰喙大鳥羽曰翮翮曰翬一曰行六翮之末曰翬翼曰革一曰勒羽曰翹鳥尾析羽曰

蘇尾肉曰翠

文選陸機樂府日出東南行蛾眉象翠翰山海經西山經天帝之山有鳥黑文而赤翁詩候人篇不濡其味荀子王制篇南海則有羽翮齒革會青丹干焉周禮秋官序官翬氏詩鴝羽篇肅肅鳴行淮南人間訓則奮翼揮翬凌乎浮雲詩斯干篇如鳥斯革陸德明釋文革韓詩作勒楚辭招魂篇砥石翠翹史記司馬相如傳蒙鵝蘇禮記內則篇舒鴈翠舒鳬翠

釋獸

閭踰一曰山驢

山海經北山經縣  
雍之山其獸多閭

獮竹鼠

莊子天地篇執畱之狗  
成思釋文畱本又作獮

雞駭文犀

楚辭九歎怨思篇  
奔雞駭於筐籠

飛黃乘黃

淮南覽冥訓  
飛黃伏皂

夔一足越人謂之山繅

國語楚語木石之怪曰夔罔兩

巨狻麈

文選張衡西京賦罔巨狻

螭如虎而噉虎

左傳文十八年以禦螭魅

扶拔似麟無角

後漢書章帝紀月支國遣使獻扶拔師子符拔與扶拔同班超傳貢奉寶珍符拔師子

駝似鹿而大肉峯

爾雅釋畜犛牛郭璞注狀如素駝陸德明釋文素又作駝

猿蜥似猴狢似狸

後漢書班超傳獐犬木史記司馬相如傳蜥蜴蝮蛇徐廣注漢書蜥作獐

能似熊

國語晉語今夢黃能入於寢門

驪驤巨虛屬

史記匈奴傳驪驤驪驤漢書司馬相如傳蜚蜚驪驤

騶虞仁獸一曰義獸也解豸直獸也魋堆舍利奇獸也蜚廉有翼獸也夷羊蜚遽夸父虞虬神獸也蝮蛇巨獸也鮮規小獸也天祿辟邪皮樹獸也墳羊土精也

詩騶虞篇于嗟乎騶虞後漢書馬融傳樂奏騶虞太元難上九角解豸終鷹與豸通漢書司馬相如傳弄解焉又案太元宋衷陸績本竝作角魋魋與解豸同楚辭天問篇魋堆焉處文選張衡西京賦舍利魋魋

淮南俶真訓騎蜚廉而從敦圉國語周語夷羊在牧  
漢書司馬相如傳櫟蜚遠淮南隆形訓夸父弃其策  
漢書郊祀志鐘虞銅人皆生毛司馬相如傳立萬石  
之虞楚辭涉江篇駕青虬兮參白螭漢書司馬相如  
傳螭與豺曼延與螭同張衡西京賦巨獸百尋  
是為曼延莊子天運篇解規之獸後漢書靈帝紀及  
天祿蝦蟆李賢注南陽縣宗資碑旁有兩石獸一日  
天祿一日辟邪儀禮鄉射禮記則皮樹中淮南汜論  
訓井生  
墳羊

麋鹿麇狼兔曰五牲

左傳昭廿五年五牲

獸三曰羣二曰友

詩吉日篇或羣或友

銳毛曰毫長毫曰髦毛之強曲者曰簷物毛也皮去毛



曰鞞鞞謂之革生曰革熟曰韋

楚辭七諫沈江篇秋毫微故而變容爾雅釋訓髦士官也漢書王莽傳以薳裝衣呂氏春秋仲秋紀瞻肥瘠察物色詩韓奕篇鞞鞞鞞淺機論語虎豹之鞞猶大羊之鞞漢書鄭崇傳每見曳革履

臯比虎皮也虎豹之皮曰文皮

左傳莊十年蒙臯比而先犯之淮南道應訓文皮干合以獻于紂

脰角也無鰓曰脰骨外皮滑澤者曰鰓

史記司馬相如傳徽雙脰其抵之獸禮記樂記篇角脰生

之而胲肱也躡掌也彌蹄不甲也

周禮考工記梓人作其鱗之而左傳文元年請食熊蹯而死公羊宣六年傳熊蹯不熟呂氏春秋明理篇有豕生而彌

乳化曰孳新生曰免內敗曰殯

書堯典鳥獸孳尾禮記內則篇免薨樂記篇胎生不殯與殯同淮南原道訓獸胎不殯高誘注胎不成

獸曰殯

穹窒鼠穴也鼠作穴出土曰壤周人謂鼠腊曰璞

詩東山篇洒埽穹窒穀梁隱三年傳吐者外壤鼠腊見莊子天下篇犬可以爲羊陸德明釋文引司馬注

走逸曰風牝牡相誘曰風乘匹曰累曰騰

書費誓篇馬牛其風禮記月令篇乃合累牛騰馬

趨曰駟行曰駃匹行曰綏綏繼踵曰躑躑隨行曰蟬蟬

文選張衡西京賦羣獸駢駃詩有狐篇有狐綏綏楚辭九思悼亂篇鹿蹊兮躑躑獐貉兮蟬蟬

釋音

蒼祺騏

詩騏篇有  
騏有騏

赤黑色騏

說文馬部引詩  
曰四騏孔阜

文馬吉黃

逸周書王會解大戎文馬  
曰若黃金名吉黃之乘

織離盜騏

荀子性惡篇  
織離綠耳

騏騏

後漢書靈帝紀四年春  
正月初置騏騏殿丞

翠黃騰黃吉光

漢書司馬相如傳招翠黃乘龍於沼  
文選張華東京賦擾澤馬與騰黃

雞斯

淮南道應訓得  
騶虞雞斯之乘

蒲梢

晉書音義  
第廿六

肅爽

左傳昭三年有兩肅爽馬文選左  
思吳都賦招騶驎當與肅爽同矣

紫燕綠虵

顏延年赭白馬賦將使  
紫燕駢衛綠虵衛轂

棗駟駿馬也駿良馬也駑鈍馬也

楚辭九歎憂苦篇同駑駘與棗駟  
兮七諫謬諫篇駑駘雜而不分兮

馬母驢父曰羸馬竅曰州

楚辭見上注驢與  
羸同爾雅白州驢

馬屬

雜文曰犂

論語犂  
牛之子

每牛小牛

逸周書王會  
解數楚每牛

潛牛沈牛

拾雅

卷二十

三

文選司馬相如上  
林賦沈牛麀麀

麀牛父牛犢犝

呂氏春秋季秋紀乃合麀牛爾雅其子  
犢犝與犝通漢書朱家傳乘不過犝牛

牛屬

犍羊曰羝羊大羊

史記貨殖傳羯羝不均  
太元穀次七羝羊之穀

羊子曰達亦曰羔五月羔曰羖

詩生民篇先生如達楚辭招魂  
篇臚鼈炮羔爾雅未成羊羖

羊屬

盧田犬

詩盧令篇  
盧令令

### 豸胡犬

周禮巾車豸褱雀飾射人豸侯一  
獲一容禮記玉藻篇狐裘青豸哀

### 狂犬曰瘈亦曰獠犬之馴者曰遇犬

左傳哀十二年國狗之瘈襄十七年國人逐瘈狗漢  
書五行志引作國人逐獠狗詩巧言篇遇犬獲之

### 犬屬

### 毫毚狙猪鸞猪

山海經西山經竹山  
有獸焉名曰毫毚

### 羸豕牝豕

易姤羸豕  
孚蹢躅

合雅

卷二十

美

豕屬

時夜雞也魯雞大雞

莊子齊物論篇見卵而求時  
夜庚桑楚篇魯雞固能矣

雞屬

馬五尺以上曰駒二歲曰駒三歲曰駝懷孕曰重馬者  
武也鬻蟲也駟四馬也蠶馬駿也纓頸毛也駮馬肥彊  
也馬通馬矢也馬作足橫行曰皤舉頭高仰曰翰

詩漢廣篇言秣其駒毛傳五尺以上為駒株林篇乘  
我乘駒鄭箋六尺以下為駒與傳義不殊矣淮南修  
務訓夫馬之為草駒之時高誘注五尺以下為駒失  
之周禮校人執駒庾人教駝攻駒漢書劉屈氂傳重  
馬傷耗周禮夏官司馬目錄鄭注馬者武也淮南修  
務訓馬鬻蟲也詩清人篇駟介旁旁論語駟不及玉



爾雅青驪繁鬣縣文選枚乘七發翠鬣縷詩有駉  
有駉後漢書戴就傳乃臥就覆船下以馬通燕之易  
賁賁如幡如  
白馬翰如

牛者冒也鴟夷生牛皮也牛羊有觶曰角芊芊聲也

史記律書牛者冒也越世家自謂鴟夷子  
皮樂書角觶生楚世家六曰季連芊姓

五尺犬為猶

見顏氏家訓書  
證篇引尸子

牛羊草食曰芻犬豕穀食曰豢

禮記月令篇案芻豢孟子猶芻豢  
之悅我口國語楚語芻豢幾何

凡牲一為特二為牢牛羊豕曰大牢羊豕曰少牢亦曰  
中牢始養之曰畜將用之曰牲三牲大牢也六牲馬牛

羊豕犬雞也

國語晉語子爲我具特羊之饗漢書昭帝紀祠以中  
牢周禮庖人掌其六畜六獸六禽孝經雖日用三牲  
之養周禮膳夫膳用六牲牧人掌牧六牲

牛馬牢曰牯

說文牛部引周書曰  
今惟淫舍牯牛馬

家所畜曰擾

逸周書職方解  
其畜宜五擾

男

齊林技刊  
雲林

拾雅卷第二十終

邑人張寶田校